

清字第二一二號

清遠縣志卷八

人物列傳目錄

先政

吳霸

漢

林勳

楊觀春

樓海

朱浚

以上宋

白太平

元

李鐸

白廷用

子西緣

楊璟

子雄

王斌

尹通

子鐸

劉綱

黃諒

范傑

林彌孫

張璧

吳廷舉

張欽

程文

白鈺

子世英

白日晟

子仕荷

鄧文學

田訓武

趙階

蘇廷龍

姜忻

劉幼學

清遠縣志

卷八

人物列傳目錄

孫一人

胡人綸

郭時斗

白檣

弟模

伍子瑗

陳邦彥

霍師連

關鍾喜

僧性顯
忠顯

花巡簡

以上明

洪懋樞

王文燦

于斑

劉士驥

張哲

孫繩祖

陳宏績

陳燿

葉重光

顏子仁

陳哲

王玠

饒應泰

唐源準

張仁

章式成

趙榮

文晟

劉師陸

趙桐

楊砥柱

黃炳然

馬映階

張韶九

傳夔

程兆桂

張得勝

沈堃

吳昌壽 勒福

許清貴 宋錫庚

何鸞書

陳起倬

宋榮藻 傳建勳

左璫

何福海

和廷彪

錢祖蔭

李光襄

劉殿元 以上清

釋道僧

貞俊

靈靄

菩提達摩

跋多羅三藏 以上梁

僧璨 隋

惠能

泰祥

尚顏

金剛仙

慧幽 以上唐

善會 五代

璉公

壽公

福靜

妙實

了玫 以上宋

明顏 元

定祿

慧顯

粵仙

德清 以上明

清遠縣志

卷八

人物列傳目錄

二

大汕

寄生

成鷺

今二

澄輝

興徹

法雨

善為

法等

法章

法信

界乘

界羣

界愜

界參

一涵

一航

弘明

仁中

訥菴

南野

德身

一至

一義

鼎中

新因

新貴

淡華 以上清僧

葛洪 晉

清遠道士 梁

安昌期 以上宋道

僑廬

胡賓王 宋

黃哲

鄭國相

張嗣垣

陳子壯 以上明

郭宏纘

莫瑞堂

葉宏智 以上清

清遠縣志

卷八

人物列傳目錄

三

人物先政傳凡例

古來地志良吏名臣之傳王光蘊德州志有良吏傳接踵相望載光

史册欲仕此者生其強為善之心也舊有宦績傳今名曰先政蓋政

者正也徐廣云長官謂之正見漢書註故張鳴鳳志桂省即以先政統文

武各官今從之

阮通志有宦績錄又有謫宦錄吾縣名宦無多不必從之永清縣志

以名宦入政畧不與鄉賢同為列傳章學誠撰通志館謂其好自立異廣東

通志館目說明書其說是也今不論文武長官皆統之曰先政列傳

國家官吏文武相維其於捍衛地方則武員之力為尤烈如其不肖

其流禍亦較酷於文官不宜輕視吾邑明舊志重文輕武計自清遠

開衛以來其間剿平巨寇保護地方者不少一概不書實不足以資

懲勸今則凡有軍功德政者不論文武一并立傳如漢之吳霸明之

清遠縣志

卷八

先政列傳凡例

尹通尹鐸白廷用白日晟白元潔等亦搜集事跡一并傳之

清遠縣志卷八

人物 先政

謹按各縣志書所有宦績俱是文武雜列惟順德郭志分列文傳武傳吾邑舊志絕少武官列傳今搜訪事跡不論文武依次傳之

漢

吳霸字子公陽山人少以材勇為兵率中宿涯浦關阮通志率嘗禦

侮至滇陽招徠流徙民感其仁號所駐山曰吳山阮通志作仁後徙

鬱林都尉遷戕柯太守歐大任百越先賢志引沈懷遠南越志湟川志

謹按漢書百官表有關都尉以司關津如列傳杜周曾孫業為函谷關尉及辛慶忌之子與車千秋之弟亦為之涯浦關漢時在中宿縣地理志云中宿有涯浦官是也今吳霸之為兵率蓋

清遠縣志

卷八

先政

二

即關都尉也惟查續漢書郡國志廣鬱縣並無都尉而鬱林郡都尉乃駐領方而非廣鬱百越先賢志黃通志誤作廣鬱茲從後漢志改正之

宋

林勳賀州人政和五年進士為廣州教授宋史本傳建炎三年署清遠縣

事手筆作志封域建置之畢陳山川人物之具載而縣志始肇焉阮通

志引隆慶舊志序是年八月獻政本書十三篇言國家兵農之政其說甚備

書奏以勳為桂州節度掌書記朱熹陳亮甚愛之宋史本傳

謹按林勳自政和三年署理清遠縣即首創縣志可謂知所急務惟阮通志引宋史列傳於此段之下接云紹興二十五年召拜工部侍郎吏部尚書卒贈通奉大夫所著拈溪居士集行世一段共七十字查此段乃劉才邵列傳與勳無涉阮通志因勳

與才邵傳相連遂混而一之實誤爰並正之

楊觀春不知何許人淳祐間知清遠縣愛民如子百廢俱興阮通志引黃通

而鋤惡不遺餘力張府志尤注意學校門無干謁邸舍蕭然時稱為

賢令張府志阮引黃通志崇祀名宦祠學宮牌位錄

光緒志云按阮通志宦績傳作楊觀春而職官表作楊觀舊縣志亦作楊觀云

謹按觀春當從黃通志為是吾縣元代亦有知縣楊觀世每誤混而為一史府志引此傳於不知何許人句下注孫志作楊觀太華人六字查孫繩祖峽山志內有太華楊觀實叨邑寄之句但太華楊觀係元天歷間任者與宋淳祐之楊觀春無涉今故訂正之

樓海宋時權知清遠縣事阮通志列傳淳祐八年峒寇一夕入縣治倉卒

清遠縣志 卷八 先政 三

告變海挺身出諭賊竟遇害歿李昂英有哭清遠權宰樓海司法詩

云文集諭賊散私財冥頑不可回憤然瞋目罵光緒志吾已戴頭來阮通志引

一死當凶刳千家免刳灰遺孤原未有行路為悲哀阮通志百里

稱廉吏誰歟起釁端州符需賦急軍餉及期難節義扶澆俗朝廷贈

大官邑人崇廟像猶似髮衝冠李文集

謹按黃通志有海列傳阮通志錄之均不著其時代今考李文溪集載與廣帥邱迪嘉治盜書有非通猺而為通猺非賊而誣以賊草菅斯民有虧足下盛德之句即指此峒寇也其他文云邱漕帥遣陳知章抑平民為猺且就刀鋸送陳均詩序又云保昌尉陳知章權任廣倅捕南海平民為猺賊凡三十人獄將具余以公狀達於憲台而後得少緩紀事和林尉序皆指此事但邱迪嘉兩任轉運漕帥一在端平三年一在淳祐八年其誣民為猺不知在

於何年惟文溪集內苦秋暑引有己酉廣漕邱迪嘉攝帥苛虐
流毒之句其苛虐也足證誣民為寇正在此時查己酉乃淳祐

九年與通志職官表謂八年蒞任正合則猛寇猝入清遠樓海
遇害亦必同在斯時也今據之定海為八年在任海實廉吏故

邑人建廟塑像以祀之舊志不載未免疏畧至李文溪二詩黃
阮通志祇載其一遂使因徵軍餉起釁以致猛寇告變之事不

明故全錄之至阮通志職官表海誤作梅訂正於此

朱浚福達人朱文公晦菴曾孫也統萬姓字文煥號漱石年二十一登

陳文龍榜進士釋褐授大理寺評事兩岳歷任朝散大夫右文殿脩

撰兩浙轉運使吏部侍郎池北德祐二年元兵陷臨安上北狩浚目

擊國破君亡痛不欲生適傳張世傑陸秀夫等奉益王即位於福州

檄召諸路忠義同獎王室浚招募義兵親率入衛旋護馬南來祥興

清遠縣志

卷八

先政

四

改元移駐崖山浚奉召督師拒元兵於北江會敵破英德順流直下

李恒兵至清遠王道夫迎戰大敗錢士升浚桴鼓慶戰晝夜不

息敗績死之其子繼賢從征見其殉國葬於橫石見內岳清遠縣有

朱文公祠歲支地丁庫項致祭阮通以浚為其曾孫後裔散居縣屬

故設祀典於此禹山

謹按浚之戰死橫石譜牒甚明乃池北偶談云元兵至福州浚

不屈死之骸餘叢考云元兵執浚欲降之浚曰豈有晦菴後而

失節者遂自殺與此謂戰死者不同考萬姓統譜云浚死節實

戰死也以其統兵戰死於吾邑即是統部之官且其墳墓又在

清遠故援番禺續志丁仁傳凌震之例凌霞莆田人淳祐進士

角再復廣州祥興元年十二月戰於菱塘又撮其事跡以傳之

但非生長本邑故列於先政焉

元

白太平至正間任清遠縣主簿不諂上不捐民果決有為始終如一

修築土城以禦寇盜清人德之阮通志引崇名宦祠名宦祠牌位錄

明

李鐸洪武二十年知清遠縣勤於政事郝通志明刑均賦吏胥無敢欺

張府志創官署修學宮悉捐俸為之時稱賢令郝通志中書行省參政周

楨奏獎其績阮引黃通志崇祀名宦祠牌位錄

謹按阮通志光緒志各職官表俱云鐸洪武五年任與此不同

查清遠知縣洪武十六年為鄭孔實見職官表十八年為黃令見水東白

氏譜二十四年為陳顯見東角樓鐘款自以五年為確且阮通志舊志皆

云洪武初李鐸岑恕修學校今職官表恕以三年任教諭此可

互證且參政周楨奏獎其績見黃通志查參政裁於洪武九年

清遠縣志

卷八

先政五

則鐸之蒞任決非在洪武二十年郝通志誤至阮通志光緒志

鐸誤作驛茲並正之

白廷用字致甫水東人有胆畧白氏譜濱江有猺四十巢向則花衣短

裙跣足露頂强悍猜忍仇殺好鬪就耕山谷元例歲徵山地租稅米

三百石由縣派差收解洪武十八年黃縣令整理田賦而西山猺賊

李平天遂藉口煽亂遠連四會連陽英德瀧水德慶諸流賊劉第二

盤阿旺全阿清等焚劫擄掠戕殺官差紳民毘鄰八縣蒙其殃北江

梗塞二十五年勢益甚花茂奏疏正月二十七日肆劫各村將廷用一家

十餘口慘殺廷用偕從兄彬就學於外幸而僅免聞耗悲憤密訴御

史三司派都指揮使花將軍茂統兵萬人嚴辦檄廷用領兵五百為

前鋒嚮導大軍戰勝於珠坑河洞至沙河以奇兵挑之伏發殲賊二

千餘逼之上峒山又大敗之斬級五百餘追至陽山三坑尾生擒平

天解赴軍門正法是役斬獲三千餘級奪回被擄九百餘口兵部奏
績十二月賞署萬戶府職准予世廕錦衣衛百戶二十六年春餘孽
又蠢動花茂奏陳四事中宿文獻錄其畧云此次廷用部領大軍間關險
阻艱苦備嘗指揮尤爲妥協故能斬級數千膚功迅奏今宜將該鄉
獯巢山地給予世管令其接收租賦輸納糧米三百石責令就地撫
綏隨時約束一則藉此餘威以銷萌孽二則永免差役徵收爲煽亂
之口實廷用旣奉恩給錦衣衛百戶世職現查清遠衛所初建尙無
土著世襲人員廷用世職宜改廕本衛該職子孫供職者限定中所
一缺令其專當獯峒之衝以充糾察之任見花茂奏疏並奉俞允四月花
茂以獯獠安輯事宜奏委署理清遠衛指揮使飭辦善後廷用嚴辦
首要安輯善良解散脅從招集流亡釋放無辜勸督耕墾由是一方
得安見中宿文獻錄洪武末海氛甚熾朝廷特委陸安侯吳傑永定伯張金

清遠縣志

卷八

先政

六

寶爲巡海使專備倭寇並令沿海各省遴員分剿而粵巡按三司會
議以廷用驍勇善戰卓著謀猷討平獯寇功忠並茂保奏二十九年
詔授福州後衛指揮使聽調沿剿至則搜殺土匪三百餘眞倭百餘
由是漳泉夷舶乃獲安航建文元年大隊倭又至廷用激勵所部邀
擊之半洋俘馘倭酋長崎義眞大夫松肥竹盛祥等一百五十人而
浙海倭奴聞風始遁故疊奉文綺及御書越海波清扁額之賜永樂
元年倭聚廈門一偵知卽偕千戶王斌力戰之擒斬倭酋深澤義一
等五人眞倭二百五十二土賊三百四十從來海上之戰以是役爲
最劇成祖大喜親製詩軸題曰賜福州後衛指揮使白廷用福州後
衛千戶擢升清遠衛同知王斌句云將軍胆雄奮威武古來將士徒
比數要知青史至今傳不及彤庭眼前覩中宿文獻錄引人皆榮羨
四年五月初九日以積勞卒於任所朝野爲之痛悼廷用墓誌嗣子西緣

號華山由增生承蔭中所百戶兼署清遠衛知事整飭軍政安靖鄉閭而讓爵於侄人尤頌之中宿文獻錄

楊璟四川建安縣人揚雄墓誌洪武初任廣州衛僉事討平欽州賊顧炎武郡

國利病書五年率舟師至陽江斬偽總兵李福全賊衆百七十人督軍至

那坭港擒偽總兵陳貴等二十八人陽江志六年平海陵盜阮通志七年

任廣東都指揮僉事廣州城歸德門頤石刻調清遠衛指揮使升廣西潯梧參

將光緒志職官表以功世蔭清遠衛指揮使子雄字味蘭成化乙未承襲清

遠衛指揮使著有政聲弘治元年加行都司守備南韶連清十一縣

以功升都指揮僉事地方又安癸丑升廣西游擊將軍乙卯奉敕總

督廣東備倭疊著勞績人皆稱之子世臣定臣憲臣迭襲其職後岡揚雄

墓志

謹按明史有楊璟列傳謂畧定永州桂陽及平廣西封營陽侯

清遠縣志

卷八

先政

七

又朱亮祖廖求忠傳謂璟是合肥人又輿服志洪武三年璟封

侯賜鐵券俱與此不同查歸德門石刻謂璟於洪武七年任都

指揮僉事則非彼營陽侯矣斯時清遠尙未建衛其任都指揮

僉事應在清遠衛指揮使之前阮通志職官表列璟天順八年

任都僉事相距八十餘年實誤且璟原籍建安縣阮通志謂安

州人亦誤

王斌字羽斯香山人香山縣志永樂元年任福州後衛千戶時倭寇聚廈

門卽從指揮使白廷用力戰之擒斬倭酋深澤義一等五人眞倭二

百五十二土賊三百四十成祖大喜擢斌陞清遠衛指揮同知並御

製詩軸題曰賜福州後衛指揮使白廷用福州後衛千戶擢升清遠

衛同知王斌中宿文獻錄引倭寇始末記其詩云東南巨浸幾千里浴日涵雲渺

無涖波濤春激去邊遙島嶼蒼芒望中峙海隅微孽蠹無知蟠結窟

宅猶鯨兒乘危伺隙恣剽竊一時苟活嗟奚爲朕心垂念彼昏慝詔書屢下加憐惻滌塵疏垢許自新禾黍桑麻足衣食冥頑何以終不醒愈滋殘暴梗化行向來肆掠閩海際扁舟出沒如梭輕將軍胆雄奮威武指揮將士肅貔虎彎弓挾矢趁長蛇楊帆波浪迫驕獮手殺橫尸逾數百生致賊酋猶四五古來將士徒比數謾說樓船與強弩要知青史至今傳不及彤庭眼前覩將軍報國輸忠勤特加爵賞酌奇勳顯榮佇看自茲始應見芳名千載聞嗚呼海濱將士皆如此何

憂寇盜能干紀

張府志

後陞山東濟寧衛指揮使

香山縣志

謹按中宿文獻錄所引倭寇始末記僅載此詩四句蓋節錄也但張府志作賜清遠衛指揮使王斌而舊縣志職官表則斌實官指揮同知查香山志謂其後陞濟寧指揮使則張府志誤矣

尹通合肥人

阮通志

字德明景泰初任清遠衛指揮使重建衛署後堂

清遠縣志

卷八

先政

八

有意正堂之建因其賢能總督兩廣軍務王翱薦之於朝

涂璋重修衛堂記

四年授都指揮僉事

阮通志

加行都司守備

光緒志

南韶連清十一縣

白檣

墓誌

天順七年廣西猺寇流至通屯兵備禦

陳騏重修城垣記

分守邊境勤勞

有年累升都指揮同知

衛堂記

正欲修治城垣以他事寢

修城記

其弟禮

從宦茲土卽以清遠籍中景泰庚午科舉人任南甯府通判

見光緒志

子鐸子宣文英敏俊雅精通武藝更讀儒書成化元年承恩襲清遠

衛指揮僉事從總督大征提兵出備韶郡英德視事恭敬惟父訓是

承乃修衛堂六房鎮撫五所儀門墀道居官持守不刻蒞政勇於爲

善

見衛堂記

都御史韓公以清遠西抵懷集猺寇流毒此地獨先當之城

池宜治而不宜忽鐸悉心竭力拱石爲門壘磚爲城東北地險築子

城以便防守終之西寇肆獮逼迫我境率民士兵分伍守之越明年

寇始遁復白於都憲得帑金六十勛環城構屋百七十六楹關城排

柵易以罄甃由是城郭益堅外侮頓沮修城記軍民得失舉克明辨以

故城市鄉村之人倚重有父母之愛焉衛堂記

謹按涂璋重修衛堂記云都指揮同知尹通阮通志職官表謂景泰四年通任都指揮僉事漏去同知一級

劉綱麻城縣人舉人成化十一年知清遠縣歲饑賑濟有方民賴存

活創關學宮規制宏壯張府志重修城池綱與董其役民安而守之

固陳騏修城記均賦役勤撫字庶民思之為立遺愛亭阮通志於遞運所

前史府志崇祀名宦祠牌位錄

黃諒豐城人成化十六年由舉人知清遠縣導以德政通姓考蒞政公

勤臨民平易人以為識體而捐資修學尤惓惓焉史府志風化大

行庶民悅服秩滿將歸羣黎追送饋獻甚多一無所受百姓思之配

食縣社阮通志後祀名宦祠牌位錄

清遠縣志

卷八

先政 九

范傑德化人成化十六年由舉人任清遠教諭文行優長訓誨懇切

諸生中有貧而篤學者捐俸米以助之多所成就非義之餽一毫不

受士林稱之阮通志崇祀名宦祠牌位錄

林彌孫福建莆田人宏治二年任清遠訓導識淵學博教立行成待

士以禮不冠不見勸課以道義為先孫富節制兩廣見史志崇祀名宦

祠牌位錄

張璧陸縣人弘治十年知清遠縣愛惜民財振作士類始終以清白

自持阮通志城池橋樑殫心修理史府志邑人有為虎傷者屢

不能得璧為文檄城隍旬日而虎得衆以為至德所感郝通志後卒於

官民哀思之張府志崇祀名宦祠牌位錄

吳廷舉字獻臣湖廣嘉魚人成籍梧州萬姓譜成化二十二年進士除

順德知縣稍遷成都府同知補松江明史本傳弘河間廣韶盜賊嘯聚據

險阻兵道路不通民被其毒使臣上聞梁景行台記御史聶賢給事

中楊一瑛坊本又有璞者亦以盜賊充斥奏設僉事一員駐劄清遠專理

兵備郡國利病書孝宗乃詔智勇兼能者往經略之行台記尚書馬文升劉

大夏薦擢廣東僉事明史本傳整飭兵備道十八年六月至時盜日縱橫

即率師大舉摧後山獲其舟行台記剿十三村池水諸寇順德志悉平之

張府志傾覆巢穴蕩戮兇渠越明年正德改元凱還乃白於督撫建署

於城西北隅而連山報警又親往征平之行台記嗣是諸郡以寧駐節

三載征討無虛日仍以其餘暇興學校毀淫祠釐民正俗起弊作新

處遠有亭勸耕有諭至武備橋樑營堡壇壝凡有裨治道厚民生者

無不殫精修舉黎錦吳公松記而尤加意士林親為訓迪特著立志說一篇

刊布學宮勉多士立志以明道希文自期待見所撰志說正德三年召還

行台記歷升副使因發中官潘忠二十罪忠亦訐以他事遷繫詔獄明史

清遠縣志

卷八

先政

本傳比逮赴道時農為之輟耕商為之罷市徬徨奔走百里外不止有

饋以網環頭簪衣襦者則笑却之曰固知汝心矣但我生平不怕饑

寒烏用是為使者見之擊節嗟嘆大加禮重吳公松記迨廷訊劉瑾矯詔

枷十餘日幾死明史本傳尚書張綵心服廷舉言於劉瑾發戍雁門明典彙

旋赦免後歷任廣東右布政使明使本傳邑人聞者雀躍如父母之復生

然在清遠嘗手植松於演武亭邑中競稱吳公松其遺愛之深如此

吳公松記官至工部尚書卒諡清惠明史本傳崇祀韶州韶州府志及清遠名宦祠

牌位錄

謹按方志列傳例錄守土之官至統部之官非為一縣而設者

不錄但吳官雖為僉事兵備道統轄北江然其衙署在清遠其

德政在清遠者尤多且又祀之清遠名宦祠中則其傳於清遠

志也亦宜故今仍舊志與程文姜忻陳邦彥吳昌壽等皆為立

傳至其他統部之有功而非戰死或血食於清遠者不立專傳
祇可附錄如勒福是也

張欽字敬之南昌人正德八年以舉人知清遠縣性資雋爽操持廉
介修舉弗倦決斷如流史府志引廢墜悉舉尤長於折獄以廉能見

稱張府志清遠號難治至卽罷絕餽遺剔求蠹弊盡得其根節穴竇豪

胥黠吏不敢動廚傳不飾賓至無饑而已三司公人往來多倚勢要
索過他邑張甚入清遠界則肅然欽以例給之公人亦自喜民有賣
子輸均平錢者出俸贖還之罷其輸邑故設廠權鹽奸商往往詭匿
規利欽受檄視權約以法毫髮不得漏羣訴臺史撼欽欽不爲變商
卒不得售奸運餉倍增興學教士光緒志校士獎誨有方旁午中猶爲諸
生談經校藝觀者第見其暇豫也是時程鄉盜起衆數萬大兵阻征
俘獲日至而盜不衰都御史林廷選乃奏易欽程鄉清遠人爭留之

清遠縣志

卷八

先政

二

莫能得欽之程鄉諸所綏拊如清遠以政最拜刑部主事歷郎中阮通

志引獻

邑人愛之爲立遺愛碑

光緒志引舊志

崇祀名宦祠

牌位錄

明貴州巡撫南海李義壯撰張木山遺愛碑云督學張公作人造
士闡幽發潛風於四方一日視學至中宿邑人相與狀前令張侯
之政以謀不朽公乃下令黃令經始焉黃令將築亭豎碑於縣治
之南屬文於余維昔庚午秋余爲諸生辱侯一日之知及余計偕
過中宿邑中人無問老稚賢不肖以迨文武將士無不稱侯賢及
問所以則能察民所便而聚之其不便不以施也余又安能忘侯
哉侯下車屬長吏久曠之餘務剔蠹理棼歲大饑侯多方賑之五
夜視事吏胥各鵠立奉令唯謹臺皂終其官莫得吮民有獄上府
吏鍛鍊欲置之死侯爭之不聽請以身代乃得免尤喜勸勵學校
日督責諸生考課不倦邑有兵衛習悍讐民侯裁以法不得逞諸

屯籍於英州歲逋以百千計侯又按籍正賦而後軍儲無缺衛人德焉池水諸猺夙爲民患侯下令密捕二三人以儆衆已而修城壘嚴刁斗除兵戎時譏察以爲先事之防由是遠近讐服非直懷德亦以畏威也行才二年民用蒸蒸丕變聖天子簡賢吏於程鄉去之日民依依車轍至不得行侯去此計四十餘年矣民頌侯者歷歷如當日雖百世不忘可也於戲令中宿者無慮數十人既去而祠名宦表遺愛如吾張侯者幾人余爲執鞭所欣慕焉光緒志

程文江南婺源縣人進士正德十年整飭兵備鎮靜雅重不啓釁不貧功時當路議征清遠山寨文堅執不可曰大軍一興各鄉搖動未殺一賊先殺庶民吾不忍也議遂寢賊亦感化不敢犯至於修學校課農桑罔不加意以禮致政人服其高光緒志崇祀清遠名宦祠牌位

清遠縣志

卷八

先政

二二

謹按光緒志引陳志云正德十年整飭兵備卽爲按察司僉事之整飭兵備道史府志引清遠志於婺源人下將原文改爲正德中令清遠整飭兵備查明史有布政司參議嶺南道一員駐南雄又按察司副使嶺南道一員駐省郡國利病書又南韶整飭兵備僉事道一員郡國利病書則整飭兵備乃奉差出巡名義而按察司僉事始爲本級品官也史志以爲作令清遠故將此傳廁知縣之中而不置監司之列且於堅執不可大軍一興二句均有改竄皆沿郭志而誤故訂正之

白鈺字其相筌山舊話廕授清遠衛百戶光緒志循資升任韶州守禦所正

千戶韶沒府志以軍功累升廣東都指揮僉事中宿文獻錄弘治五年瀧水後

山賊亂總督都御史秦紘總兵伏羌伯毛銳調取漢達官兵土兵義

勇民壯威嶺西道陶魯統領卽行都指揮白鈺肇慶府志引德慶州志誤作白五蓋由玉

而訛
五也

參將陳睥督率各兵進攻舍舟登陸深入石狗紅豆雲陽白梅火燒風門鐵場諸山擒斬首從賊徒五百三十九名顆奪回被擄男婦三十一名俘賊屬一百四十名賊器仗三百餘件瀧水悉平自是順流而東駐紮太平營分四哨攻破埜島山員魚坑等斬首級一千八百七十四名顆奪回被擄男女一百七十名口脇從盡釋地方始平

郡國利
病書

子世英字東溪廕授百戶嘉靖三十六年嚮導大軍

中宿
文獻

領一哨由秦王山入

談愷平
粵錄

征平扶羅山賊靖遠伯王瑾總督王

鈞交疏其功升任中所千戶安靖地方人皆稱之

中宿文
獻錄

白日晟字景昕廷用六世孫世廟推恩世爵加廕嫡裔任為試俸百戶

中宿文
獻錄

扶羅山賊馮天恩陳世魁等僭稱應天承運都元帥中山

王指斥乘輿諭民作亂靖遠伯奏調爾廣漢土狼達官兵八萬餘廣西令鍾坤秀統三萬餘廣東令鄒繼芳統四萬餘以進繼芳知日晟

清遠縣志

卷八

先政

三

熟其情形檄為先鋒日晟陳四會黃岡秦王三路分進策以百戶白

世英領一哨由秦王山把總金湯紀領二哨由四會日晟領馬鎮左

哨由逕口水道入先清沿江各寨次破河洞南冲白石天堂中峒等

險所向披靡

中宿文獻錄
引平粵錄

時繼芳進哨河洞先破河洞白石土官岑

嵩斬獲頗多鄭程金從龍破石坎麟右哨方進賊奔大巢陶金黃仲

金追至扶溪飛橋於是李守破黎峒尹紹德破陳峒楊官破蕉坑馬

鎮追至黃洞天堂計廣西路斬馘五千餘廣東路斬馘四千餘賊黨

悉平

郡國利
病書

時同知呂天恩嚴辦窩藏日晟分別良歹保釋無辜二

百餘人三十七年四月十三又親率兵剿白花塋餘孽斬賊首莫天

亮等以功升衛鎮撫兼任撫猺把總辦理善後日晟條陳四會宜分

設縣治以絕連陽瀧水猺賊交通之路總督甚韙之奏設廣寧縣地

方乃安著有武安兵畧五卷深得孫吳之韜畧云

中宿文獻錄
何維柏天山集引子

仕荷號蓮舫恬淡高簡孝悌博洽著有奕葉傳芳集親見王鈞談愷大征羅山懷集一役遂撮錄其奏疏公文及其父日晟所呈四會分設縣治議一篇編爲兩廣平蠻錄二卷又著有蓮舫詩文集三卷例當承蔭百戶惟高尚不仕故鍾萬錄稱爲高隱君子中宿文獻錄

鄧文學字桂原碑學官記馬平人隆慶中以舉人知清遠縣改建學校士

林多之剿撫猺獞有池水之捷郝阮通志民賴以安史府志引卒後士民

舉祀名宦張府志

田訓武鎮遠人萬歷二年司訓清遠至誠率物長厚存心捐資以修

祭器倡義以建學宮志行清潔輿論高之史府志引崇祀名宦祠牌位

錄

趙階字樂軒宛陵人由邑博士遷清遠令杜絕餽遺諸請託無所聽接士大夫如恐不及其爲政務寬平蠲苛細終其官未嘗妄撻一人

清遠縣志

卷八

先政

一四

會有清丈之役奉行詔旨惟謹凜凜然恐以懸額累民躬先履畝不避寒暑因而火動於肝目爲之眊遂力疾求去民萬數詣部使者請留部使者亦溫詞慰勉而公志竟決瀕行老弱出觀擁去輿不得進雷陽鄧檢討宗齡爲撰去思碑光緒志引陳志

鄧宗齡撰碑記云去思何清遠人思趙令公之德愛不忘也南人之思召伯也以棠衛人之思武公也以竹豈聲音笑貌之爲也漢世得人爲盛大都武健勝奸媮快一時而已國初治尙循謹寓內蒸蒸駸至晚近一切深文使民各畏罪而道路以目誰復去之思乎趙令公宛陵人家世諄謹而公有雅量每曲意覆人短人亦以長者多之起邑博士有聲旣遷清遠令杜絕饋遺諸請託無所聽接士大夫如恐不及其爲政務寬平蠲苛細嘗曰吾爲聖天子牧民在不擾之而已會有當路者舞智好致人於法公覆案出之不

爲撓而當路竟聽之公故終其官未嘗希意指妄撻一人入一罪蓋好生之念其素然也每月朔延見諸父老問以所欲言從容慰勞且謂曰歸語而子弟力本業供賦稅足矣毋以小故訟公庭良自苦君子曰仁人之言也或卽有構虛中聽之不以疾色取勝間下諸部慰誨令自息而緩贖毫不入人人自謂得公晚云公性簡訥喜怒不形至讞大疑則老吏抱牘却走民益受庇護矣邑故衝疲骨脂潤子廚傳之飾民無底所公至議革無名諸費見之條陳者十六事減不急諸役者三十三人汰冗員二先是邑有丞及兩訓導雖經裁革而供應之編如故公檄主椽毋得以汰雜入編內歲計節銀三百兩而檢樸之化則身先之卽走百里外僅以糗糒自隨敕輿隸所過無擾其節用愛人類如此故事令僅以季課諸生耳公懼人才放失日進之廷訓以經術己卯秋賓鹿鳴者二人

清遠縣志

卷八

先政

二五

率公所首拔士其鬢髮至今不絕猗歟休哉公服邑三年謹厚如一日都使者言之於上將重用公會有清丈之役公奉行詔旨惟謹凜凜然恐以懸額累民躬先履畝不避寒暑因而火動於肝目爲之眊遂力疾求去民萬數詣部使者請留部使者亦溫詞慰勉而公志竟決於是咨嗟動山谷相扶老弱出觀擁去輿不得進共爲叫天之詞曰君之來矣實獲我所君曷去而誰其拊我歌已謀將尸祝之今茲未能相率樹去思碑用志不謏問記於楊史氏楊史氏曰蓋觀趙氏而知道行於家也公伯子善政舉進士出令仙居有徵愛碑伯子多用長厚有令公風其勳業爛然未極海內因伯子愈思公豈翅清遠爲之歌緇衣三章丕揚世德令名階號樂軒頻行臬伯趙寧宇公贈之曰方今第一人

光緒志

蘇廷龍莆田人萬曆十年知清遠縣平易近民折獄明允

八閩風錄

采凡

有大利害挺然以身當之無所旁撓弭盜有方六年內吏習民安史府

遠志引清 邑素苦虎患虎出傷人衆逐之不得廷龍設檻捕之一日得

四虎焉廷龍咒之曰殺人者死律有明條四虎中曾噬人者當俯首

伏罪其一低頭帖耳狀如懼服餘者嗚吼不已廷龍召逐虎者視之

其匍伏者果傷人之畜光緒志 磔之而釋其餘衆競謂諸虎久捕不

得得而縱之後患莫已廷龍曰無傷也三虎果渡河遠徙在任六年

不復有虎患人以爲德政所感後升知州阮通志引八 崇祀名宦祠

牌位

姜忻字克樂號春宇南昌人乙丑進士萬曆間奉璽書整飭南韶兵

備清遠故轄廣州其山川則南韶相連忻所節制賊時盤據大廟石

坦中殺人奪貨忻察地形徵鄉導直擣賊巢元兇授首黨類靡遺光緒

志引 人稱爲軍中韓范嶺表長城西山陳黎二洞賊李元樂等嘉靖

清遠縣志

先政

一六

倡亂勾引大羅山劇賊荼毒生靈萬曆四年復聚殺數千人大廟賊

盤國珊等犯英清二縣擄官兵屠村落如蹈無人之境英德縣志 忻提兵

夜發身親行陣一鼓滅之奪回被擄三百餘韶州府志 覆其巢並陳善後

七策以爲久安之道英德縣志 兩院交疏奏功忻去邑人思慕不忘祠之

於城北光緒志 韶州人祀於名宦祠韶州府志 英德又建祠祀之英德縣志

陳紹儒撰碑云膚功祠者何清遠耆庶爲兵憲姜公建也祠之者

何報功也公有大功德於民民愛戴之既去則思之思之不已從

而祠之也緣是縣令趙君階司教林君大柱田君訓武以耆庶之

意屬諸生黎民受朱士讚等來乞言紀之瑱石公名忻字克樂號

春宇南昌人乙丑進士繇上海令曆南京禮部尙書郎萬曆奉行

璽書整飭南韶清遠故轄廣州其山川則南韶相繆公所節制者

也公忠愛天成謀猷遠塞下車日廣詢民瘼得清遠大廟寇狀憮

然嘆曰茲非任地方者之責乎爰誓清夷大廟迺大廟盤據石坦中左連張沙右通黃峒其近也密邇黃華其遠也縣絡塘扶高峰諸巢犄角互爲響應賊所恃此也故其殺人奪貨日肆跳梁兵撫屢加旋踵而叛至於紅巾赤日橫行千里莫誰何者百數十年此豈賊果難平哉無亦機宜弗審而制馭者之無策耳公察地形徵鄉導選師治糗咸有韜鈴密進守備胡九經指揮馬維熊英德典史柯繼芳各授方畧分道而進直擣巢穴尋檄邑典史吳啟儒督領游兵遮要賊所奔路賊果大潰元兇授首黨類靡遺兩院交疏奏功褒美歡騰海內咸謂百年逋誅之寇一旦芟夷兵餽諸需不煩外假而功成害絕運用若神蓋自南韶用兵以來未有如此克捷者也夫公以經世之才忤戡亂之畧使封城瘡痍之衆轉水火而衽席易呻吟而謳歌考之典法所謂禦大菑悍大患者公其儔

清遠縣志

卷八

先政

一七

也豈特郡邊受福哉是宜民之愛戴思慕不忘尸祝而俎豆之不容已也祠在縣城之北於憲署實比鄰焉此特紀其平寇之功與

建祠之因云

光緒志

謹按英德縣志韶州府志俱有姜忻祠則忻當時德政不僅剿平寇盜已也載籍不備無從詳紀幸舊志有紹儒撰碑稍知其概儒南海人官至工部尙書

劉幼學宜山人萬曆二十五年知清遠縣剛果有爲不避權貴太監

李鳳議於清遠開礦幼學面陳利害鳳爲之沮鳳私人汪某

光緒志漏汪某

督稅清遠勢張甚欲搆大姓數人罹於法

次恣狼毒幼學密爲解免其擔當類如此人服其氣節

史府志引清遠志

邑人頌其德政不衰

郝志

崇祀名宦祠

牌位錄

謹按明史云李鳳權稅廣州攘奪商賈沒其資負戴行李亦被

搜索米鹽雞豕皆令輸稅

明史食貨志

是鳳為權使至開礦則李敬

非李鳳也今舊縣志郝通志皆以為鳳開礦者或當時兩璫流毒正同因而誤敬為鳳乎

孫一人浙江仁和人萬曆三十年知清遠縣

光緒志陳志

爽閭博洽

史府志

政務簡要八鄉寧謐尤喜培養文士邑中下關水口傾卸損贖

光緒志

誤續 緩築印沙以護之風氣賴以不洩民今德之

史府志引清遠志光緒志

崇祀名宦祠

牌位錄

故人綸合浦人萬曆間為清遠訓導

阮通志

恬淡宅衷端方率物

張府志

五日一詣文廟瞻拜

阮引郭通志

凡蓋瓴楹椽稍有漏圯即捐囊隨時修葺說者謂比修建功多云却貪生之饋遺周寒儒之困急

史府志

與諸

生講習文藝尤以品行為先否則遠斥之雖俊才勿屑教也一時士習因之丕變

阮通志郭通志

後升本學教諭名利淡然兩任十年如一日

清遠縣志

卷八

先政

一八

也

史府志引清遠志

崇祀名宦祠

牌位錄

謹按阮通志與舊志職官表皆作人綸光緒志作大綸誤

郭時斗蘭谿人萬曆三十五年知清遠縣實心實政潔己務公

阮引姓氏

通考 奉法循理三年內興利除害弭盜安民四境晏然尤勤於課士以

振作文風為己任評文決科不爽時稱知人城池久圯重修之又處

置歲修法隨時緝理可垂永久天性介直執法不避權要

史府志引清遠志

有古循良風勞心諄諄視民如子舉善而教口無惡言漢之卓茂時

斗有焉

阮通志引姓氏通考

士民至今謳歌之

張府志

崇祀名宦祠

牌位錄

白檳號蔚園初名彬避遠祖諱改今名元潔子也廕授清遠衛指揮使剿平英德從化賊戰於滘江大敗之擢行都司南韶連清十一屬守備巡至清遠即捐廉修布政分司行署以為駐所軍令嚴肅補都司僉事征平封川蒼梧瀧水諸賊軍政大計升任廣東都指揮使司

中宿文獻錄

本縣人嘗任都閫者惟檳與父元潔子常燦及楊騰驥鄭金

祖承先楊憲臣七人耳竺山舊話檳弟模字子楷以父元潔立大功加廕

指揮使長子襲之故模卽承襲世廕中所百戶職整頓軍政保護地

方剿辦賊匪補充器仗有功升任清遠衛前所千戶調補韶州守禦

所正千戶中宿文獻錄

伍子瑗全州人天啓二年知清遠縣時劫盜蜂起阮通志引子瑗親

歷八鄉史府志引嚴行保甲史府志清閭閻使盜無所隱匿於要害

處設伏偵之遇劫發輒尾其後默識其處以是盜多被捕獲置於法

光緒志引漏捕後以抗直忤當路去官中考功法籍其家一無所有

阮通志引全之士大夫歛金代贖子瑗夷然史府志嘗曰不敢污家大

人素絲蓋父子皆清白吏也張府志崇祀名宦祠牌位

陳邦彥字令斌順德人以諸生福王時上政要書格不用唐王偉之

清遠縣志

卷八

先政

一九

授監紀推官旋舉於鄉改職方主事永明王監國於肇慶擢兵科給

事中隆武二年冬起兵明史本傳順治三年時邦彥實奉十二月

至中宿江度歲與朱學熙磋商起義事宜永曆元年正月元誕在麟

洲巖野集洲誤見是月清遠城陷白常燦李成棟進圍桂林邦彥

密受團練之詔四朝錄乃偕朱學熙集議於順德錦巖誓圖恢復時

白常燦隨駕廣西卽促其招集舊部常燦聞訊潛行回鄉集得部曲

家丁五千人白常燦卽假邦彥名義以便事機尋集隊於清遠縣城

行在陽秋云陳邦彥復清遠不旋率赴行在白氏以爲殿前儀衛至西江

邦彥留之伏於新興高明九江甘竹一帶白氏二月與余龍等進薄

廣州攻之四日不克成棟聞報亦解圍而東桂林由是得完三宮賴

以無恐於是又起兵於高明使門生馬應房攻順德約南海陳子壯

東莞張家玉新會黃公輔爲犄角又聯絡恩平王興陽春莫廷蘭新

興梁位灼東安何仕璋順德胡靖新會楊世熊李宗聖等協同暮布
又使余龍戰於黃連徇下江門分攻高明七月又約指揮楊可觀等
爲內應與陳子壯會師九江期以七日攻廣州子壯忽以五日薄城
謀洩可觀死之四朝成仁錄邦彥率銳師出龍山與敵遇敵屢却設伏擊
敗敵於禺珠查東山話攻城五日不拔四朝成仁錄子壯大敗於白鵝潭而
退高明野南史邦彥軍孤不能獨留退攻三水戰於胥江勝之戰於新
會大勝之四朝成仁錄慶戰香山新會間一月十餘捷薛始昌撰行狀分師再攻
高明復之斬知縣徐嘉植分遣指揮白常燦等攻清遠復之斬知縣
何甲四朝成仁錄八月常燦以城迎邦彥明史本傳十六日同入清遠城李成
棟圍攻月餘邦彥與常燦朱學熙分門櫻城固守中宿文獻錄聯絡韶州
連州四會懷集等縣扼斷咽喉行狀又設重柵於江干以拒成棟以飛
礮擊衝梯敵死者屍與羊馬牆等敵乃僞退而從古廟中爲地道實

清遠縣志

卷八

先政

二

之火藥火發城崩肉薄而上四朝成仁錄邦彥與其下同勞苦明史本傳時民

兵起者數十家惟邦彥軍最強南天痕嘗分兵救諸營之敗者至是精

銳盡喪外無援軍城破常燦死邦彥率數十人巷戰明史本傳自辰至午

頸被三刃四朝成仁錄不死走朱氏園見學熙縊拜哭之明史本傳題詩於朱

氏園亭壁曰無拳無勇無餉無兵聯絡山海矢佐中興南天痕矢佐

城血會天命不佑禍患是嬰千秋而下鑒此孤貞又云平生報國懷深

望斷西方好音已共萋宏化碧還同屈子俱沈又曰戀闕孤懷盡懸

絲一命微負傷如未覺無淚不須揮魚吮艱貞血水爲賻襚衣祇應

魂氣在長遠玉階飛書畢赴池自溺敵騎適入引之出邦彥曰我陳

兵科也被執檻車致廣州繫獄五日端坐賦詩佟養甲知不可屈被

戮臨命作歌曰天造分多艱臣也江之滸書生漫談兵時哉不我與

我后兮何之我躬兮獨苦順德續志厓山多忠魂後先炤千古歌畢

西向稽首受刃

巖野集行狀

永明王贈兵部尚書予諡忠愍廕子恭尹錦

衣指揮僉事

中宿文獻錄明史列傳

着國史立傳地方官專立祠廟賜祭一壇

加祭二壇

中宿文獻錄

乾隆間賜諡忠烈

勝朝殉節諸臣錄

並崇祀清遠忠義祠

牌位錄

嘉慶十九年清遠知縣唐源準猶夢見邦彥授以雪聲堂硯已

而果然得之忠魂毅魄久而彌烈如此蓋其忠義浩然之氣至今常

塞天地間也

唐子方夢硯齋集

霍師連字連生南海人韜之元孫也隆武初以生員募兵勤王以功

陞副總兵

巖野集

詐降令守三水誘斬佟養甲屬官數人反戈從攻廣

州失利退至三水

順德續志

大小十餘戰斬級千餘佟養甲畏其鋒白常

燦舉城迎之師連往赴列柵江上為拒守計李成棟至不得戰憤罵

城上會北風大作師連出不意疾以火舟出擊成棟偽逃

阮通志巖野集俱以

逃為跳今從史府志

師連盡舟追之數里風反成棟因火舟相攻舟却迫柵門

清遠縣志

卷八

先政

二二

不得入盡焚師連策馬洩河將走四會求救成棟追及甲重墮溺而

死隆武贈都督同知賜祭葬廕子千戶

阮通志巖野集

予諡忠節賜祭三壇

加祭二壇

中宿文獻錄

謹按中宿文獻錄所載監國敕旨甚詳據饒御史奏疏謂當日

驚聞噩耗陛下嘗諭部臣從優議卹至二年八月又嘗奉旨照

張家玉等例諭部議行徒以戎馬倉皇惜成缺典伏乞申行前

旨云云是年六月吏部尚書晏清郎官潘應斗察驗行狀訪查

事實相符於八月由行在吏部兵部禮部具疏奏覆請沛恩施

十二月十九日奉永曆敕旨邦彥着贈兵部尚書予諡忠愍廕

子錦衣衛僉事與明史列傳所載全同師連着贈都督同知予

諡忠節廕子錦衣衛千戶與巖野集所載亦合至此敕旨中宿

文獻錄白氏族譜俱謂永曆三年十二月所頒今巖野集附錄

阮通志列傳誤謂師連卹典係隆武所贈順德縣志且誤謂唐王紹武所贈查隆武紹武均先敗死於丙戌距師連陣亡已越一年故訂正之

關鍾喜字岳孫號嵩臺南海人天啟丁卯舉人順德縣志作崇貞癸未舉人誤性豪

邁不拘繩尺天資穎悟師禮陳邦彥邦彥復清遠使權知縣事城陷

戰歿阮通志巖野集奉旨贈翰林院學士予諡忠愍廕子監生賜祭一壇中宿

文獻錄同時戰歿者有僧性顯錦巖東菴信持也順德人陳邦彥起義

時愿統兵一枝隨之北行後守清遠城李成棟攻陷性顯巷戰力殺

十餘人後援不繼為亂兵所斫又有僧忠顯亦順德人從邦彥起兵

身被數十創清遠城陷戰死巖野集附錄

謹按方志之例凡有功績能保衛地方者宜為之傳若激於義

憤為國捐軀更宜立傳以彰忠烈雖其初混迹緇流究能以身

清遠縣志

卷八

先政

三三

殉城亦義士也故為傳之附於關忠愍之末

花巡簡里籍未詳陳邦彥起兵招結土豪從之事敗與之同日死陳

公贈以詩云既有陳兵科亦有花巡檢一索繫二賢同舟負刑版兵

科緣伊何髮長兵畧短巡檢緣伊何土豪相推挽蹉跎陷圍城所恨

見幾晚攜手赴泉台誰為奠漿飯巖野集附錄

謹按巖野集祇謂巡檢未詳何屬之官今攷中宿文獻錄云朱

忠愍公舉義日邀侑生白之豈料理糧械白忠節公亦請族人

京官炯中諸生潔太學永生等接濟各皆悉索以赴托由花巡

司押運入城故能士飽馬騰分兵四出及敵圍城亦能堅守月

餘城破時花公竟被執不屈死之惜哉云則花公蓋任濱江巡

檢司也稱巡簡者避烈皇諱也

清

洪懋樞山東日照人順治十五年由選貢任清遠縣清遠最爲衝繁自順治四年以後縣遭殘破者五次田廬荒蕪向例里長論甲獨當每遇解運供應官差日需數十金甚而勒收解批其弊百出光緒志引舊志當役者不殞命卽傾家懋樞憫之詳准道院論米均役而解運勒送等項亦爲輕減民困稍蘇政績紀畧政稍暇卽修學宮修縣城舊志各類時池水十峒逆賊馮天寶倡亂僞稱位號其黨數十人皆受僞劄煽頑民蓄髮踞糧流殃五縣者十餘年至是總督李棲鳳調各鄰縣兵令懋樞與防孫虎進剿濱江巡檢許宗賢督鄉勇分路進自塘坑追至架梯巖是巖高數十丈又一水巖賊藏其內後壘石塞潭運木燒嶺環攻半月乃平之政績紀畧

院道題奏政績摺紀畧云清遠爲衝繁之最自順治四年以來殘破五遭田廬郭治半是荒蕪洪令懋樞十五年到任之始里役書

清遠縣志

卷八

先政

三三

吏閒然虛缺督催官役環廷日增往來舟車刻無甯晷雖有奇智束手莫支且清俗里長論甲獨當每遇解運則虛賂數倍供應官差日需數十金不等甚而索收解批必飽囊而後投迎送下程必求豐而且濫當役一年命不殞而家必盡蕩洪令爲之條陳凡有害於里役者悉與通詳蒙院道批行論米均役里困稍蘇始革獨當之苦而解運勒送等項亦暫輕減致哀鴻少集舖舍漸張池水十峒離清二百餘里逕有削壁如城山有深巖可恃其中之招徠作逆實繁有徒倡首馮天寶僞稱位號僞黨馮天俊李毓之劉智綱馮天宇羅絹廷李自常鄧萬貫等數十人皆受天寶僞劄煽十峒頑民數千附爲羽翼蓄髮踞糧流殃五邑者十餘載順治十八年三月督院李棲鳳調發懷集陽山廣寧四會城兵令清遠洪令懋樞江防孫虎總司調度始入層巒賊見旌旂蔽日炮戟驚天洪

令江防調兵發馬濱江司許宗賢計畫措餉嚴督鄉勇四路分進
逆睹遍地皆兵日漸退遁自唐坑而至老窠山高巖險內有架梯
一巖高懸數十丈又一水巖逆首盡藏其內器藥糗糧無算環攻
半月兵馬皆疲後壘石塞潭運木燒嶺光緒志藝文誤作嶺今從列傳改火烈巖
頽逆皆授首天寶與偽笏等兇次弟就縛父子妻孥盡提起解十
餘年之抗逆今稍蕩除光緒志

謹按光緒志引舊志有懋樞傳乃根據改績紀畧而撰者惟架
梯下一水下均漏巖字茲補之

王文燦字蔚然原籍桐城人明季甫四歲隨母避兵梧州遂籍蒼梧
中康熙二年舉人廣西通志輯畧任清遠縣有惠政以招叛功當遷官顧以
母老告降改象州學正阮通志引廣西通志

謹按通志職官表光緒志引舊志職官表俱作黃姓惟張府志

清遠縣志

卷八

先政

一四

職官表阮通志列傳與廣西通志傳表均同作王茲訂正之

于珽正白旗廕生康熙二十九年知清遠縣阮通志職官表捐廉俸建鳳城

義學郝通志為政風流陳恭尹贈句云星居村戶宵無警火種畚田夏
盡耘獨漉堂集其循政可想矣禺山訪冊

劉士驥汝陽人康熙二十年知清遠縣好獎勸士類有少年受誣害

當杖詢之某秀才子曰若讀書人有家教應不至是光緒志引漏三字今從張府志卒白之張府志六載政成即修縣志厚幣延聘屈大均為

纂修翁山外文西門民居失火聞報不及輿倉皇趨救時風急暴烈不可

遏士驥情亟因免冠再拜光緒志引此漏西聞闈報不及輿情亟因十字風驟反撲火滅至

今猶傳光緒志傳誤存之阮通志張府志

張哲河南汝陽人康熙三十九年由廩貢官清遠知縣有惠政修復

瑞峯書院作育人才縣人德之史府志光緒志奉祀遺愛祠牌位錄

孫繩祖瀋陽人康熙五十二年來知縣事適逢荒潦虔誠步禱水旋却是秋苦旱又百方祈禱弗應忽憶蘇廷龍禱雨金芝巖已事遂虔率僚屬詣龍湫禱祝果大雨因築喜雨亭於此喜雨亭記四月大饑卽捐俸倡率官紳富戶買米賑濟民賴以安光緒志前事清遠素稱難治繩祖

調繁以來綱紀就理民情土俗皆已樸厚復於政暇暢游山水廢者興之缺者補之求峽山舊志修明刊刻之宦橐蕭然淡如也峽志王朝恩序

陳宏績平遠人由拔貢選清遠教諭慷慨有氣節諸生偶不率教必正色誨之有以事爲人所誣者宏績偵知必力爲白其冤常曰秀才懦弱每爲人欺吾爲斯人爭血性矣卒於任諸生成爲隕涕云史府志引

清遠志光緒志引舊志

陳耀福建侯官人精熟孫吳諸書有智畧由武舉授福泉衛千總以臺灣功陞湖南沅州中軍守備時鄖襄土寇小李等竊發奉命征剿

清遠縣志

卷八

先政

一五

身先士卒恢復譚家寨論功爲諸將冠康熙二十一年調英清營江防守備整飭軍容壁壘一新號令嚴明奸宄懾服民賴安堵歷任六載卒於官子義爲新安營千總精騎射有父風值時平不能大展解組後遂入籍清遠孫廷福廷裕於乾隆丙辰戊午聯捷武闈延及曾元並入文武兩庠元孫兆榮以軍功任樂昌城守人以爲將門有種

同上

葉重光儋州人雍正初以歲貢任清遠訓導時年七十矣課文講學吃吃不倦諸生以贄來者不計也家故貧不蓄僮僕隨任者惟姪孔盈及病劇謂諸生曰吾家萬里外子名小誨甫七歲姪又無力必不能以我歸幸葬我而封誌之或他日猶得附先人之邱隴也及卒惟殘書數卷而已諸生爭歸贈葬之於西門岡迄今邑人歲時祭其墓

焉同上

顏子仁惠州連平州人雍正五年以歲貢官清遠訓導昔時教官到任諸生謁見者多以贅薄不見子仁鄙之曰師弟而以利交乎所居齋僅容膝諸生執疑問難者日至子仁指授無倦色常周視學宮稍剝落者卽葺之舊有田租七百石爲諸生月課膏火費教諭盡取之子仁不介於懷也諸生咸不平子仁曰吾不忍彰其過也其雅量如此後以老乞休歸諸生餞送江干有揮涕不忍別者同上

陳哲江南銅陵人舉人雍正十三年知清遠縣實政悉本實心正人必先正己甫下車卽以不受金不枉法爲文告於城隍視事時捐金買地築養濟院堂廚詣勘申詳銷荒屯田虛稅慈惠固已堪師又以邑之學宮官舍廟宇方位向背多不合捐銀一千四百兩倡率光緒志引

尤留心學校以邑中科名未振力爲整飭凡有益於學校者靡不殫心竭力爲之史府志凡學宮縣署文昌宮及風雲雷雨壇教諭典史

清遠縣志

卷八

先政

二六

署擇地遷之尊經閣迴瀾廟奎光閣瑞峯魁星閣城隍廟後樓卜吉創之修葺者則迎恩亭城隍廟訓導署文昌橋改築者則東門城樓修復者則東方鐘樓通復者東西二濠東門水關更修輯縣志俾文獻有徵三年中百廢具舉廣州府劉庶稱其任鉅投艱焉且發奸摘伏折獄精明時僧智機讚照佔踞鰲塔田租擺佃周學迪等赴府具控批縣審訊哲洞燭詭計妥議申詳將租穀一千八十石斷爲義學延師納糧供祀修塔之費驅智機出境追照塗銷至於免用手本隆重士林義學課文親爲評閱此則作育人才之美意也光緒志而又政簡刑清視民如子三年遷去士民至今頌之史府志古所稱循良史者有過之無不及矣初祀於杉岡後祠圯復建遺愛祠於書院東祀之

光緒志

陳哲蒞任告城隍文云職江左儒生湖南舊吏一經忝荐素懷愛

鼎之心百里濫竽夙勵飲冰之操今膺簡命來任此邦耿耿精誠不敢愧衿而愧影硜硜介節惟期爲國而爲民潔已奉公一切苞苴杜絕釐奸剔弊凡茲強暴殲除敢藉神庥共勦予治才所不逮默啓乃衷事有大疑早通其鑒庶幾官箴砥礪上酌聖主洪恩風俗又安下慰群黎仰望如或受金暮夜枉法明庭必遭天誅地滅之殃永墮絕子害孫之報三光在上一字無欺謹告

光緒志

邑侯陳公功德碑文云翳惟仁侯世承華胄學貫群英鄉號鄭公人守詩書之業門名童應家敦孝友之風登月窟於清秋桂蕊拂仙郎之袂縮銅符於洌水桃花分潘令之香地屬衝繁官無佐貳舟車奔絡數河涘之丁夫猺峒輸誠井雲山之隴畝衛侯列駕停綠野以行春召伯南巡舍甘棠而布政硯沙之清操卓爾咸仰包拯臥閣之慧性巖然獨推汲黯片言可折案無司寇之章一命堪

清遠縣志

卷八

先政

二七

憐獸有天堂之號奉憲令如流水黃河瀉萬頃之波延紳士若嘉賓郎署靄三陽之日嘉禾獻野老祈賽咏夫曾孫膏雨逮鄰封虞芮平於西伯風吹兩袖人猶吳下書生箭漏三更月隱庭前官燭桐孫布連枝之葉蔓玉鳴金雛鳳振九苞之毛承雲捧日爾乃公堂酌兕介春酒以無疆忽而驛路揚鈴駕前騶以將遠寇難借我志切攀留賈旣名兒情深怙恃試看彌天春雨絲絲皆是恩膏如卷萬軸雲章一一悉成美錦無忘厥自就三年講學之堂永奉楷模用詔將來卽百里宣猷之處長垂金石云爾

光緒志

王玠貴州貴筑舉人乾隆十九年官清遠知縣惠民愛士二十年遷學宮於城內縣署故址建奎文閣於封河遷鳳城義學於文昌宮之後遷瑞峯書院於城北松樹岡庶民思之與陳哲張哲并祀於城東杉岡五夫子祠旁歲久祠圯復祀玠及陳哲張哲於書院

史府志
光緒志
號

曰遺愛祠牌位錄

饒應秦江西瀘溪人嘉慶三年由舉人選授清遠知縣為政持大綱好栽培士類書院延名師主講復親自督課一時人才蔚起蒙識拔者多舉於鄉乾隆初遷學宮於城外後知縣周紱王玠復遷入城中年久頽廢嘉慶六年應泰倡卒紳士郭儀長朱覲曦禔才拔等重修規制宏敞煥然一新光緒志 史府志

唐源準字直圃遵義人桐花閣詞鈔嘉慶十七年由舉人任知縣光緒志 職官表

丰裁峻整遇事明察每視事察言觀色涇渭立分奸猾無所施其詐

陽山縣志卸任日忽夢一人古衣冠者揖而言曰吾家有一寶物屬留君

家宜善護之忽不見已而其子子方果得陳忠愍公雪聲堂端硯一方後子方官至鄂臬卒亦殉難有忠愍之節烈世甚奇之唐子方夢齋集 吳

敏樹文集

清遠縣志

卷八

先政

二八

謹按吳蘭修桐花閣詞鈔云源準夜泊羚羊峽夢老人予之硯又謂硯為陳文忠之物不知雪聲堂乃陳忠愍之號與陳文忠無涉此傳聞之誤也

張仁三水人世襲雲騎尉嘉慶十六年大憲命領兵至清遠緝捕以獲盜功累遷清遠營游擊十八年賊首羅觀奇黃橫四等糾黨肆劫清遠英德二縣地仁奉檄在縣屬添設龍塘源潭烏石厦關前橫石高田水頭界牌英德觀音峒等處卡房八座督飭弁兵日夜嚴察緝得著名巨盜葉奇潮州鎖等百餘人滘江賊悉平十九年十二月濱江賊歡烏瓜陳朝安成大業潛誘土人拜會急請於大憲派員在沙河石坎浸潭等處設立緝捕公所光緒志以計誘殺會匪六百餘名遷雷州參將史府志時論謂其刻酷然地方安謐民亦德之光緒志仁識見精明多叅盜線厚給以貲購賞不食言故人樂為用每以深夜人靜

忽起燃燭傳集弁兵初不知所向及賊所分路圍捕往往全獲無得脫者而又優禮文士能吟咏作畫有致恂恂如儒者郭汝誠順德縣志 歐應

如咏之有經綸餘事猶三絕儒將風流邁古今去思碑繡苔花舊古錦囊堆賦草新等句其儒雅可想部下兩營公建靜山書室祀之劍花

詩集 時濱江多盜督撫委派文武二員及仁帶兵緝捕民賴以安去後

鄉人建三台書室祀之以誌不忘光緒志建置

章式成欽州人蔭襲雲騎尉嘉慶二十二年補授清遠右營守備性

方嚴不妄交馭兵丁恩威兼至整肅營伍而不苛刻蒞任二十年府史

志光緒 盜之犯者無不獲獲者無不得其情遷梧州都司邑人士祖道

河干辭不能止七十二峯堂文句

趙榮字涪溪鳳城書院碑記 四川宜賓人道光四年以拔貢撰授清遠縣知

縣前知縣周誥新改鳳城書院榮抵任籌增書院膏火史府志光緒 自捐

清遠縣志

卷八

先政 二九

廉俸七百二十兩光緒志建置 發商生息以增獎金劍花詩集 遇官課日必親

詣書院與諸生論文如師弟然榮性剛緣事調瓊州會同縣後與某

知府不相能逮省繫獄定讞發軍台道經清遠縣吏民餽送悉却之

史府志光緒

文晟江西萍鄉舉人清遠縣知縣道光十四年縣大水饑饉發倉平

糶並捐俸倡率紳民煮粥賑濟全活無算石角基圍破水至廣州城

西門以外幾成澤國請上官發帑並勸富戶伙助得萬餘金以副貢

馮獻修董其役輸地以廣基壘石以禦水工既竣易其名曰清平圍

餘銀一千有奇貯為修葺之用自是長堤永固矣史府志光緒 後升知嘉

應州咸豐戊午在任殉節贈道員賜諡壯烈文廷式撰行狀

劉師陸山西洪洞人由翰林改官知縣道光十五年選授清遠甫下

車即力行保甲摘錄律例中民所易犯者編入門牌之內使民觸目

警心不罹於法縣役百餘過目即能記其姓名無敢冒名替代勸課
士子親為指授力除史胥積弊民獲安全十六年調任南海知縣

志光
緒志

趙桐字鳳棲直隸南宮人性敏慎道光六年進士以知縣分廣東巡

西河獲巨賊大吏嘉其能委署安定知縣興學勸農以勤幹名年餘

補授陽山繼署清遠有殺人不知主名者檢驗時獲一人一訊而服

人稱為神十七年卒官

徐世昌清畿
輔先哲傳

楊砥柱陝西華陰人道光十七年清遠縣知縣決獄明允能發奸摘

伏有以刀筆唆訟害民營利者惡之尤甚姦宄為之斂迹

史府志
光緒志

黃炳然浙江舉人道光十八年知清遠縣精明強幹案無留牘奉己

儉御下嚴門丁書差不敢多方需索卸任餞行城廂內外張燈結綵

三日一如賽會

光緒
志

清遠縣志

卷八

先政

三

馬映階安徽人以進士選授清遠知縣潔己愛民不名一錢道光二

十九年賊首胡黃毛五鄧十富等倡亂潯江巡撫葉名琛提督祥麟

按察使祁宿藻統兵至映階往來奔走無暇日賊首以次就擒餘黨

悉平賞戴花翎加同知銜咸豐二年正月迴岐禾谷嶺妖民李北社

謀作亂映階偵知之密選兵勇千人親往破其巢民賴以安咸豐三

年調任順德四年各州縣戰起順德城陷以失守革職貧困不堪順

德人感其德餽送資斧七年廣州府知府吳昌壽督兵清遠剿辦逆

賊陳金缸等八年映階奉委派往潯江辦理撫勦事宜

史府志
清遠志

每

戰親自督陣郭鍾熙詠詩云即今佛岡役善任白眉良即指映階也

焚餘
詩草

至佛岡駐公館佛岡總局送薪水銀堅辭不受九年派往濱江

辦善後

史府志
清遠志

開復原官以積勞卒於濱江書院

周朝槐
德續志

民德

之祀於書院遺愛祠

牌位
錄

張韶九道光間任濱江司巡檢遷建雲橋社學於司署之右光緒志

傳夔字劍舟豐城人二十四年任巡檢改建為濱江書院書院碑記並清

廉明允宅心平恕民感其德廉一訪冊皆崇祀濱江書院遺愛祠碑記

程兆桂字炳南榕石文集山西渾源州人道光二十六年以廩貢授清遠

縣知縣廉潔自持歲科縣試認真考校所首拔士知其寒素贈府試

資斧最得民心遠近無不愛戴二十九年卸任城廂內外燈懸官清

民樂紳士於南門外為建清風亭焉咸豐二年再任清遠父老歡呼

載道四年七月佛山逆賊猝發賊首練四苦等陷清遠城兆桂自刎

不死退守濱江五年三月率鄉勇復城六年四月賊首練四苦統黨

由廣寧竄三坑太平市兆桂請督撫調湯騏馮元亮黃大榮三營

兵勇剿賊並諭附近約紳督勇防守十月賊勢漸弱十一月逆首陳

金缸統賊數萬由濱江出與練四苦合遂圍城兆桂飲藥死妾趙氏

清遠縣志

卷八

先政

三

於四年城陷時自戕死有旨賜卹邑人悼之並祀於衛西社義勇祠

光緒志後又崇祀於濱江書院遺愛祠瑞峯書院崇義祠牌位錄

謹按史府志列傳兆桂初政籍籍人口復城後置濱江賤不辦

聲譽頓減云云查當日濱江無大股匪兆桂向大憲言之故濱

江不設備不料奸賊大聲橋暗帶大口金陳金缸鄧南保各股

匪由英德大灣入濱江壩仔徑轉逕口出而圍城當日咸責備

之兆桂憤而自盡其實圍城者假道濱江非濱江股匪也時人

不察群集矢於兆桂故身後猶無恕詞史府志列傳根據清遠

訪冊而書之實未深察故附識於此

張得勝翁源人由行伍累功官至清遠營游擊光緒志咸豐四年為

賊所殺光緒志崇祀昭忠祠牌位錄

沈堃浙江人迴岐司巡檢咸豐四年七月城破為土匪何深擄去至

城見賊首練四苦不屈赴水死史府志 崇祀廣州昭忠祠史府志

吳昌壽嘉興人咸豐六年由韶州府調知廣州府七月到任時南韶

諸賊窺昌壽不在又復熾昌壽視事畢即馳赴清遠調軍把隘逼賊

入濱江各營進攻敗之是時洋人闖入省垣昌壽欲赴援不得大憲

耗而讓道已絕兵紛紛欲散昌壽亟為撫循向鄉間借糧發給兵心

乃定十二日攻克濱江餘匪復圍廣寧使都司方耀赴援廣寧圍解

八月總督知其才可辦賊檄帶兵平連州之賊而廣西賊又擾四會

清遠昌壽馳回清遠分兵破之北江敗賊復恣英德昌壽乘礮船追

剿賊遂邊平史府志 北江一律肅清統計七年戎幕辛苦備嘗戡暴安

良厥功甚偉韶州府志 後陞廣西巡撫卒昌壽蒞官一清如洗各處犒賞

皆歸士卒已無所私故所至成功清廉可比吳隱之云史府志 崇祀濱

江書院遺愛祠牌位 勒福字怡廷蒙古正紅旗人寸草堂集 兩任南韶連

清遠縣志

卷八

先政

三一

鎮有幹才髮匪圍攻清遠統兵援護極力保全韶州府志 當賊圍城福來

縣數日時程邑侯仰藥死人情洶洶光緒志 福籌戰守力保危城辛

勞數月乃解圍馬山訪冊 十一年搜捕山匪擒獲練四苦各賊目士民稱

頌韶州府志

許清貴字珍圃濱江書院碑記 漢軍進士道光二十二年知縣事光緒志 勤

於撫字清操凜然而振文風端士習尤為用心嘗修濱江書院宋錫

庚四川人同治間任知縣五載時當亂後嚴於辦匪當時有宋閻王

之稱故匪黨餘孽為之肅清而又廉以自持勤於課士笠山舊話 時瑞峯

書院燬於賊錫庚捐銀一千兩倡率重修光緒志 且詳定鳳城雲橋

兩書院官課官給膏伙民皆德之奕葉傳 並崇祀於濱江書院遺愛

祠錫庚又祀於瑞峯書院崇義祠牌位

何鸞書江西南城人光緒二年由舉人來知縣事光緒志 衡文教士

銳意育才馬山冊訪

三年水災石角堤崩飢饉薦臻流離困苦鸞書諭飭

勸捐並詳請大憲扎飭廣糧通判多齡愛育堂紳士陳桂士來縣開
廠施粥自十二月十一日煮粥施濟至四年三月初一日陳起倬繼
任乃改施賑米計共救活飢民十餘萬人雖由陳起倬麥瑞芳始終
其事然發起則自鸞書捐廉倡始也故去任日紳民奉贈民之父母
扁額賑濟徵信錄並以鼓樂爆竹傾城歡送皆謂近世循吏不愧父母之

稱云李竹浦詩序

陳起倬字漢章號鳴鶴四川人年十四技貢翌年廷試一等名人事由

戶部主事授欽州知州調署靈山縣彭駿儀德政文光緒五年署理清遠縣

清廉明允勤於聽斷案無留牘馬山冊訪接辦賑濟自三月至八月存活

十餘萬人賑濟徵信錄承命修石角堤固若金城時土匪歐就喜陷佛岡

城起倬會官軍剿平之旋辦清鄉以靖亂源人皆德之復任靈山卸

清遠縣志

卷八

先政

三三

任時商民張燈結綵各戶懸官清民樂燈籠連亘三日如賽會然仲冊

又醪資製龔黃駿績召杜鴻猷牌傘贈之賑濟徵信錄紳商耆老數百

人以八音鼓樂親送至三水蘆包揮涕而別其遺愛如此泰階訪冊起倬

歷任地方長吏凡四十年皆著循聲以功名終名人事軼事

彭駿儀恭頌漢章陳明府德政文駿儀番禺人解元任鳳城書院山長

夫讀書萬卷坐言必能起行學道半生愛人所以易使而况一登
仕版疊寄名城星辰象緯邱陵山險所以經啓化育聲明文物典
章禮樂所以黼藻生靈刑名法術見我性真人民社稷驗我為學
雖則領方寸之銅章縮半通之墨綬然而鶴鼎魚璜寵之專寄龜
游蛇旒美以前導上不負國下不負學其亦書生所甚快意乎先
生蜀中名士天姿精敏才識超曠以咸豐辛酉科拔貢任戶部主
事靈襟峻嶷拔萃人群識宇嚴明改司金穀乃有志馳驅留心經

濟范希文以天下爲己任李鄴侯知世事尙可爲於是改官欽州知州簡命初膺瀕行叱馭五年豪郡旋官合浦以還珠一宰龍城曾界靈山而立柱然而欽州地連交趾壞錯越裳江迷神鳥頻翻徵側之波人視飛鳶時涉馬援之逕先生勞心剿討渠惡就殲兩奏膚功疊膺薦擢遂以欽州知州題升同知直隸州以知府補用五馬榮施一麾作牧頭銜先耀品秩榮加信有蟹而無監州益聞雞而思起舞豈意鶯聲方囀鵬鳥頻啼遽以丁府君憂去官泣血登轅絕漿返轍朝陽門外已有去思之碑仰止亭邊預掃重來之路服闋引見回粵奉委監修虎門礮臺大江東去唱破銅琶烽火西來虛沈鐵鎖杜牧之好談兵畧陳同甫多感時事其相視爲何如也且夫雕瓊鏤琬是謂不忘垂竹施帛斯謂不朽先生以去年暮春蒞茲清邑間關下車頗謂勞頓倉卒整絃未暇安理乃風馳

清遠縣志

卷八

先政

三四

電掣冰消雪解人心愈固庶務咸理當其始來歲在木饑蒲羸無倚鳧莖失恃辛幼安之閉糴不行趙清獻之完城空計先生接辦賑務請之大府效臧孫之告糴仍泛舟而輸粟自春徂秋至於八月所生者迨十餘萬人更復金隄千尺賈讓有完安之策穹廬萬斯鄭公得區處之要其救災卹民者如此佛岡之役地屬犬牙事起倉皇人殊失措况二鎮之兵驟如風雨兩地之民危及旦夕先生運謀至精審機至密出其不意而姚賊就擒因其所歸而區逆授首由是趁蒲帆於月夜不逢鉤距之夫負簞橐於冰天絕少探丸之客其除盜安良者如此更乃檢閱塾庠修飾學校觚盤鼎鼎俎豆莘莘拜庚子之經崇丁卯之禮恍文翁之課士督以詩書如龔遂之求賢先之經術分神君之鶴俸給多士之蚡膏其振興學塾者如此至若耳目并用聽斷如流罰必躬親案無留牘蓋先生

以忠信之資加之明決故讞雖成而秉燭不樂獄雖折而持筆未
下斯則鶴鷗失其勢雀鼠泯其爭無怪頌張譚爲慈君呼少卿以
明府其慎重名法者如此若夫杏花葛葉時出勞農楊柳春旂勤
來秉耒詩情偶發安筆硯以對溪山墨興方濃裂縑緙而題錦字
凡此之倫尙難稱述迄今撫字才周芳聲遽隔終返安州之駕難
停中宿之車清遠紳民感戴情深難窮儀想借寇恂而不得攀劉
寵以無從黯黯津亭遙遙軒騎兒齒台背願彰其善賢人君子思
歌其德因使駿儀操筆爲文駿儀向叻知愛藉庇仁宇但念精非
吐鳳難傳宓子之琴思盡懷蚊希播岑君之頌奧然訪册

清遠縣志

卷八

先政

三五

蒙劉公奏明撤銷當時北江洪潦大漲夜乘一葉扁舟人莫不危之
乃救民心切竟冒險以行民皆德之泰階訪册崇祀濱江書院遺愛祠牌錄
位傅建勳欽州人累功至清遠游擊軍民皆愛戴卸任之日街坊燃
炮送行人如波湧其德政可想矣仲册訪册

左璫號有宇雲夢人由翰林改授清遠縣知縣朱汝珍詞林輯署精明強幹
聽訟尤明雖百年訟藤片言立斷於署內敲詐訛索之積弊釐剔廓
清時辦理善後大憲委鄭提督紹忠駐縣俘獲日至而璫辨別良歹
決斷如流一無枉縱當時獄中僅囚鄭友一犯幾致刑措之風述之訪册
城基日久頽圯璫詳准開捐凡助貲者分別給以頂戴虛銜不費公
帑一文而二萬餘金月餘卽集從此修築完固屹若金湯叔平訪册政暇
卽爲諸生校文藝濱江有韃舍租歲可六十餘金向由縣署中飽璫
查非國課不以自肥卽詳明撥交濱江書院爲諸生賓興費其他善

政不可枚舉調任順德時紳民以牌傘歡送

黃嘉垣留亭詩社集

旋祀於濱江

書院遺愛祠

牌位錄

謹按順德續志職官表誤作左燾故訂正於此

何福海湖南郴州人署理縣事精堪輿術其任三水縣嘗修改風水即連登科甲人文蔚起及蒞任日見邑中文風不振遂捐廉修高南門城樓改建東角樓及撥庫儲花紅欵倡建下潦口文塔欲改修學宮書院以卸事不果在任關心民瘼革去陋規折獄平允縣人多稱之調順德縣紳民送旗牌以贈之

古香室文集

和廷彪字虎臣雲南大理人由北京大興籍庠生考取謄錄議叙以知縣用分發廣東來署縣事實行保甲倡辦團練親自下鄉檢閱而

尤留心作育振興學校嘗自捐廉俸千餘金倡修鳳城書院創建藏

書樓

馬山訪冊

派員赴浙江購置經史子集各書發院儲藏俾生童借閱

清遠縣志

卷八

先政

三六

又定濱江書院月課每年八次其前四課由縣捐廉給發膏伙通詳

立案以垂永久並詳定公會昌柴秤佣永爲該書院經費後四課在

此提給從此文風蒸蒸日上

濱江書院碑記

而又折獄精明御下嚴肅

述之訪冊

去任之日縣民競贈牌傘以頌德政

黎守愚文稿

崇祀濱江書院遺愛祠

牌位錄

錢祖蔭字頌甫仁和人署縣事慈和廉介時當荒歉捐廉倡賑又捐俸倡建三坑善堂衙署頽敝向皆視同傳舍祖蔭捐廉改修之此時風氣未開比國洋人履勘鐵路工程源潭人因誤會傷害之洋人逕派兵艦來恫嚇事聞督撫派中協到縣責令剿辦志在剿洗祖蔭援約章據條例力爲辯護卒以緝兇結案民方德之十二月撤任虧空公帑數千元交代不清猶不能成行紳士麥瑛徽等慨助鉅貲乃得墊償回省商民乃醵資製牌傘及萬民袍贈之啓程時沿街設筵百

餘席各以明鏡一匱清水一盂及香花酒菓共饒其行其遺愛如此
陳其蕃俠紳廉吏記

李光襄字笠茵湘鄉人光緒三十年署縣事抵任卽祭告城隍有今
與神約貪贓枉法神其殛之之語訪叔平册在任革陋規清積弊各事皆

實心幹辦而精明又足以副之建習藝所以教囚徒使釋放後能謀
生業蒞任時適廣寧縣爲土匪攻陷清與毘鄰人情惶駭光襄則嚴

令四鄉舉辦團練親自下鄉督操誅三點會匪首黃賤九會匪稍戢
地方乃安揆所行事確踐誓詞惜視篆半年與武弁黃如山互訐致

挂吏議而去邑人文電稟留不獲命競製牌旗贈行訪慕册迨宣統三
年匪風更熾濱江尤甚募勇緝捕無功聞光襄起復回粵紳民大喜

擬籌欵募勇呈請督撫委其統帶剿辦其爲邑人愛慕久而不忘如
此訪參階册

清遠縣志

卷八

先政

三七

劉殿元東莞人由行伍起家署游擊兼管帶巡防新軍駐防清遠當
有清末季盜風甚熾居行爲艱殿元蒞任日卽諭四鄉迅聯鄉團並
令各團丁集會親到訓飭剖析利害言之孔詳而詞氣靄然如家人
相語大畧皆疾惡保良護衛鄉里之意團丁爲之感奮訪王森册竹帽草
鞋親督兵勇緝捕步行至秦王山入濱江日夜不輟有士卒所不能
堪者殿元附循士兵甘苦與共故樂爲之用嘗在九龍斃匪檢拾一
鎗內有某商店字號蓋防禦物也或愆之曰某大商也可罰巨欵殿
元斥之曰旣如殷商豈可因爲利某不爲也紳商愈感其清廉訪遜册
後剿匪英德被匪族深文周納去之去任時全邑紳商學界函電
請留皆不獲命乃製牌旗萬民袍以贈之以武職得之尤爲僅見民
國後升任陸軍團長丙辰歲在廣州石圍塘扼守月餘拒戰甚力卒
中炮陣亡邑人聞訊有下淚者其平生之忠義節烈足以想見一斑

人物釋道僑寓列傳凡例

古者紀錄釋道並列此魏書所以有釋老志也至舊唐書並佛入道

世頗非之四庫提要今名釋道者阮通志例也次於職官之後者登封縣

志例也明張聖誥撰

紀載僑寓各志皆然肇慶府志題曰流寓屠英修吳興志則曰寓公明董

斯張撰而德州志則曰寓賢李瀛撰雖名曰流寓似有慢客之嫌但寓公

行爲又未必盡屬賢者通志館總目說明書則不如即墨志之稱僑寓也林溥撰

僑寓諸公著跡吾邑地方甚有關繫今沿舊傳之其次於仙釋之後

者肇慶府志例也東莞新志寓賢祇列外省其本省者不爲立傳陳伯

陶撰其例似隘今凡非本邑者一概傳之

清遠縣志

卷八

僑道釋寓凡例

三九

梁

貞俊禪師本上元延祚寺僧也梁武帝普通元年十月十八日夜半清遠峽有二神人化為游方居士扣禪師寢曰峽居清遠上游吾欲建一道場定立勝概師居之乎師唯諾瞬息忽風雨大作遲明啓戶見燈燭輝煌寶相莊嚴而寺已飛徙峽山中矣師乃語偈曰此寺飛來胡不同去忽聞空中應聲曰動不如靜峽山神異志此時聲振中外郡邑上其事敕中使孟元陽召師師固辭因賜寺額曰至德潛確類書謹按峽山神異志作梁武至德元年見四庫提要攷武帝在位四十六年七改年號惟無至德此因賜額至德而誤也

靈靄禪師不知何處人傳為同寺與貞俊俱飛來者說法化樂臺有

清遠縣志

卷八

釋

四

天香滿峽之異

阮峽志

涅槃後於瘞港江口在貞俊禪師墓下光緒

初年飛來寺增重修六朝塔墓為粵東第一古跡

嶼樓訪冊

菩提達摩南天竺國香至王三子也師念振旦緣熟行化時至乃汎

重溟三周寒暑達於南海時梁武帝普通八年九月二十一日也廣

州刺史蕭昂具主禮迎接表聞武帝遣使迎請阮通志師因謁武帝

路出清遠禪棲峽山今石洞內有達摩石其結伽處也

光緒引舊

跋多羅三藏西竺人航海至廣嘗定中飛神峽山後經此遂駐賜焉

遠近皈依法席大振時大士示現有定心泉之異又感聖僧化石作

獅子臺

阮通志

隋

三祖僧璨大師徐州人既受二祖衣鉢往來司空山人無識者開皇間付法衣於道信禮師曰吾得汝能事已畢矣即優游江國歷羅

浮諸山佛祖通載嘗卓錫於峽山宋蔣之奇詩云三祖石甚奇僧璨嘗所

憩是詠其事也志峽久之復還舊址仁壽間於大樹之下儼立合掌而

逝唐玄宗諡曰鑑志禪師佛祖通載

謹按三祖掛錫峽山之事峽山志無記載而宋蔣之奇有詩云

云則峽山志載之且三祖南游羅浮阮通志已據之為立列傳

矣峽山為南北孔道有飛來名跡三祖必挂錫山中掃塔禮祖

可無疑也茲故為立列傳

唐

六祖惠能父盧氏行瑫本貫范陽左官流嶺南作新州百姓六祖壇經三

歲父喪鬻薪供母年二十四聞誦金剛經心即開悟便往黃梅參禮

五祖器之付衣法壇經儀鳳元年正月八日至廣州法性寺論風旛

之旨印宗法師服之於是月十五日普會四眾為之薙髮二月八日

清遠縣志

卷八

釋

四一

集諸名德為授具足戒明年辭歸南華於此演化得道者如林外紀當

其來往南北也路經峽山必在寺中參達摩石演說禪宗故峽山僧

泰祥從之游今峽山有六祖殿飛來寺僧譜

泰祥禪師峽山僧也當六祖開演禪學於南華門徒滿天下而青原

行思南嶽懷讓與泰祥等五十四高足徧布寰中為佛教之最盛厥

後傳為五宗而泰祥禪師亦戒行高潔能傳心印法源紀畧

尚顏荆門僧也俗姓薛尚書能之宗人善吟咏嘗雲游嶺表寓峽甚

久有清遠峽山寺詩一首云寺近朝天路多聞玉佩音鑿人開慧眼

歸鳥息禪心磬接星河曙窗連夏木深此中能宴坐何必在雲林全唐

集時

金剛仙唐開成中有僧金剛仙者西域人也居清遠峽山寺能梵音

彈舌搖錫而咒物物無不應善囚拘鬼魅束縛蛟螭動錫杖一聲召

雷立震是日峽山寺有李朴者持斧剪巨木剝而爲舟忽登山見一
磐石上有穴覩一大蜘蛛足廣尺餘四蛇蟻卉室其穴而去俄聞林
木有聲暴猛吼驟工人懼緣木伺之覩枳首之虺長可數十丈屈曲
蹙怒環蛛穴東西其首俄而躍西之首吸穴之卉團而飛去穎脫俱
盡後迴東之首大劃其目大呀其口吸其蜘蛛蜘蛛馳出以足擒穴
之口翹屈毒丹然若火煖虺之咽喉去虺其目虺遂倒於石而殞朴
訝之返峽山寺語金剛仙仙乃振環杖而咒之蛛卽出於僧前儼若
神聽及引錫觸之蛛乃殞於穴側及夜金剛仙夢見老人捧匹帛而
前曰我卽蛛也願爲福田之衣語畢遂亡及覺布已在側其精妙奇
巧非世繭絲之所能製也僧乃製而爲衣塵垢不觸後數年僧往番
禺泛舶歸天竺乃於峽山金鑠潭畔搖錫大呼而咒水俄而水關見
底矣以燥餅張之

光緒志引漏張之二
字今從通志補正

有一泥鰍魚長可寸許躍入

清遠縣志

卷八

釋

四一

餅中語衆僧曰此龍也吾將至海門以藥煮爲膏塗足則渡海若履
坦途是夜有白衣叟挈轉關榼詣寺家人傳經曰知金剛仙好酒此
榼一邊美醞一邊毒醪今有黃金百兩奉公爲持此酒毒其僧也僧
何取吾子欲爲膏恨之深痛骨髓傳經喜受金與酒得轉關之法詣
金剛仙仙持栢向口次忽有青衣小兒躍出就手覆之曰酒是龍所
將來而毒師耳僧大駭詰傳經傳經遂不敢隱僧乃問小兒曰爾何
人而相救耶小兒曰吾昔日之蛛也今已離惡業託生爲人七稔矣
吾之魂稍靈於常人知師有難故飛魂奉救言訖而沒衆僧憐之共
禮金剛仙求捨其龍子僧不得已而縱之後仙果泛舶歸天竺矣

太平

廣記

謹按金剛仙太平廣記謂西域人西域皆佛教應入僧類故峽

志阮通均列僧傳光緒志誤列於道士之下故訂正之

慧幽和尚峽寺僧也德腊俱高自爲沙彌時豢一小猿開元中高力士易以金帛並求訶陵胡人所施碧玉環置項中歸獻上陽宮安史亂後幻爲女子妻於孫恪迨廣德中至峽山化猿而去尚將玉環交回慧幽德感異類如此其戒行可見也

唐顧雙袁氏傳

五代

善會姓廖南漢清遠人九歲同父客潭州龍牙山出家受戒往江陵聽經遂參華亭船子和尚歸住峽山

阮通志

宋

聰公者新州人姓譚氏生南漢時自幼嗜佛往南華參禮六祖遂爲沙彌持戒甚肅忽一日夢祖師語曰今夜三更吾當有難汝能救我乎是夜寺火焚至塔殿乃祖師圓寂之處寺僧移之勿動惟聰昇出山門衆大警異嘗欲航海往普陀夜夢祖師云我昔有難荷汝護持

清遠縣志

卷八

釋

四三

汝今南行當爲汝說逢東則住逢林則止又曰早結菩提緣

光緒志早作密

能救衆生苦聰密記夢中語遂止清遠東林寺日往寺之西採蘆葦

造筏數百維於江滸邑人怪之踰旬有寇暴起入境

光緒志引少入境二字今從阮

補通志邑人賴筏度於南岸得免寇退人競以金帛酌之

光緒志引漏以字今從阮

補通志而聰已於竹林中坐逝矣寺僧以香坭塑其身奉之

阮通志引黃通志

壽公飛來僧也紹聖初蘇東坡南謫惠州日與子過覽勝峽山賦詩

題名云僧譜溪水太峻當作一閘瀦爲澄潭使爲雷吼雪濺以爲奇觀

若夏秋水暴爲啓閉之節用陰陽家說寺當少裕云其詩所云要知

僧長饑正坐山少肉卽其意也

蘇詩集註

壽公乃如命作之後又築一室

東坡北還日爲之書額曰涼碧軒

峽志

並謂可以想見長老壽公之高

致東坡大全集

福靜封川人俗姓黎少出家禪行高潔天聖七年得度爲方外游若

峽山南華無不託息嘉祐間歸住光孝與郡守田開爲詩友熙寧八年說偈趺坐而逝肇慶府志

妙實峽山僧也戒行高潔善書法有懷素之風嘗建全清閣邑侯陳之方峽志陳誤成爲撰序文之方素善書已入八法之三昧各處碑版多

倩其書丹而於全清閣序止爲篆額其文仍讓師自寫蓋亦重其書法也今其序文篆題並皆佳妙爲各楷書碑版之冠與蘇長公草書

題名世稱三絕云奕葉傳芳集

了孜曲江人出家萬華寺戒行清高性量寬洪好學博通三教典籍時稱名德領薦嗣法佛國真覺禪師歸住南華三司檄爲峽山寺住

持阮通

元

明顏南海人住持峽山聰敏有道行尤善詩賦音律年九十五與邑

清遠縣志

卷八

釋

四四

尹楊觀爲方外友其峽山詩云白雲飛盡四山清疊疊重重列畫屏

默念彌陀趺坐久天花無數落空庭曉鐘聲度白雲隈樓閣玲瓏絕

點埃林下忽聞仙犬吠始知塵世有人來峽志

明

定祿峽寺僧也本名家子善詩文飛來寺僧譜其詩曰百年誰說戒壇荒

延祚飛來迥上方樹老菩提經詰曲山環雲島澗笙簧樓台隱現乾

坤別蓮座高居日月長塵世幾能空色相經林常自寶花香洞古雲

深路欲迷紅塵不到日輝輝葛洪已老昌期去采藥尋真遇者誰峽志

慧顯姓霍南海人性度慈和少夢六祖受偈語得明心性歸住峽山

大振宗風正統間護清遠僧會司壽八十九阮通志臨寂有偈曰有愛

則生愛盡則滅若離愛念如來無別光緒志又善詩文峽山句云寂

寞山中久悟禪無聲花雨濕經筵忽聞松鶴雲間淚天滿蟾光午夜

圓志 峽

粵仙東林僧也東林徒不滿十日惟智力是競粵仙則脫如也外念不關般若常生結茅於飛來上層直尋頓教飄然有空外之想所謂後念離境即菩提者也志 峽 邑中鍾太守送其入山序以勉之曰無念

無相名曰高僧粵仙其庶幾乎云鍾萬春送 粵仙序

德清號憨山全椒人俗姓蔡年十二出家南京報恩寺憨山夢游 集年譜 尋

入五台棲牢山坐劾逮繫戍雷陽阮引明 詩綜 粵大吏檄為南華住持中

興曹溪阮通 志 嘗住錫峽山有登飛來寺詩同任大參游山及在峽寺

奉祝任大參初度各詩其句云縱列仙班陪帝宴無如從此一餐霞

其出塵之態活現行間僧 譜 故卒能繼六祖而為肉身菩薩也夢游 集 天

啓三年示寂於曹溪番馬 縣志 初則深葬於匡山後又浮供於南華越二

十年總鎮宋昭明發龕視之見其雙趺如生爪髮俱長其色鮮紅於

清遠縣志

卷八

釋

四五

是乃依六祖例漆金奉之世稱曹溪七祖云憨實 山錄

清

大汕字厂翁又號石濂亦字石蓮汪兆鏞嶺 南畫徵畧 浙西名家子俗姓徐有

智慧八歲聞誦法華輒能領會時際鼎革父靖國難乃依世交龔志 峽

芝麓尚書秦鬣樓 談錄 龔撫如己子因鼻衄就醫白下游天界寺遂投杖

人和尚杖人為尊宿命參諸方尋過古南參牧雲大善才得天龍一

指禪歸杖人大笑之隨於寧國百祖姑蘇竹台苔上水西吳越廣福

次第開堂說法憶杖人禮祖之囑乃度嶺制台撫台簡向獅子林傳

菩薩戒平南王請赴大佛寺放參已為中州閔刺史招主五臺法席

刻丈人傳燈正宗成還苔上復入粵當道留主長壽院事大汕極力

重修殿閣院塔其宏麗甲於五羊僧一至傳燈 正宗節本 營造有巧思水木清

華房廊幽窈王士負廣州 游覽小志 與屈梁陳三子交一時受流杜于皇吳梅

村陳其年魏和公高澹人吳園次宋牧仲萬紅友田綸霞王漁洋黃九煙諸老皆與唱和又善繪事嶺南畫徵畧嘗至梁園爲陳維崧畫小像

作天女散花圖維崧爲喜遷鶯詞以謝之陳其年湖海樓集趙蕃稱其筆墨

精緻不在陳老蓮下石禪羅漢圖卷跋時飛來寺僧散田失且困徭役主僧

慈明因藉其產投靖平兩藩後太守黎公以畀長壽爲之清理大汕

將修峽中諸名勝適南華祖席久虛監院僧率百房弟子迎嗣法寶

由杖人上溯爲洞山二十九世孫自六祖輪次而下實本山三十四

世孫也先是大越國聞大汕得法乳具書幣迎之大汕以初祖猶航

海普度遂殷然往施大法雨孫繩祖傳國主延居王宮稱爲活佛尊曰

聖僧南海續百詠回國時贖遺甚多大汕以之建天王藥師二殿及離六

堂雲半閣懷古樓半帆亭諸勝無何道高毀來有旁睨之者大汕知

三業難調乃避秦還浙靜徐氏家菴一夕舉偈示衆而逝時年七十

清遠縣志

卷八

釋

四六

二其弟子興宗等奉骨歸葬於峽山最高峯所著有燈待百卷離六

堂詩集海外紀事等書行世峽志列傳陳良玉半帆亭修禊詩云一番謠

啄到南能蓋歎惜之也梅窩詩鈔

寄生長壽寺僧也童眞入道精純一職中歲忽示微疾白其師石濂

曰某二十年後再來助和尚重興飛來舊刹乞塔全身於此石濂許

諾汨然而逝閱辛酉甲戌之閏五洪潦侵龕意將茶毘見夢於和尚

以法體不壞爲言合山禪衆夢亦如是啓龕而觀莊容儼若乃於長

壽西偏建不昧堂迎供肉身余於戊寅入月至堂瞻禮猶見其修髯

皓齒結跌冥坐無異定中僧也鮪膳

謹按飛來寺僧譜石祖門下僅興隆等四徒並無寄生其人寺

僅憬如謂石祖之同參友是也鈕氏誤以爲石祖之徒茲訂正

之

成驚號跡刪番禺人姓方氏十三補諸生三十五學佛於鼎湖晚棲
大通寺所著咸陟堂集識者謂其筆响風雷崩山立海阮通志 自其師
石洞寂後卽下山雲游羅浮志 嘗住峽山甚久僧譜 有中宿峽及游飛來
有懷張子白邑侯諸作人多傳誦之峽志

今二俗姓陳新會諸生平生豪舉有大志一見函是卽戢身皈命辛
丑受其名今二字一有後卒於清遠今佛今二皆載海雲禪藻集張其

湣明代千
遺民詩詠

澄輝號秋朗及慈明皆爲飛來寺僧當清初鼎革天下沸亂時寺產
散失且困於徭役而衆僧皆散寺幾廢澄輝與慈明力爲主持因藉
其田以投靖藩後又送長壽寺卒賴石公力請於黎太守清理之由
是各田復爲寺有實澄輝慈明力也石濂晚訪秋朗詩云未識幽人
何處去問歸亭外谷聲傳其相得之深可見飛來寺僧譜

清遠縣志

卷八

釋

四七

興徹號隱顯石祖四法嗣徹其一也皆得法乳且通內外典僧譜 其入
山詩云行脚原無定今來古道場悠然思去住默自問禹陽刈草黃
金塔拈花帶玉堂一時鐘鼓振繞砌發幽香其出山詩云棲遲禹峽
寺原欲老烟霞長掬飛泉飲任將法鼓搥雕梁巢燕雀碧海走龍蛇
忽憶來時路扁舟放水涯峽志

法雨字澍天號弘潤爲吉安良家子投飛來寺剃度爲興宗門徒守
戒不渝尤通翰墨僧譜 其帶玉堂禮佛自警云爲憐夙孽重祝髮向清

江易舍書千卷難容血一腔雲寒頻繞樹月冷慣窺窗稽首空王座
塵心猛自降峽志

善爲禪師名法繩西樵何氏子幼穎悟服儒業通易理脫白於訶林
受具於長壽西藏諸經子史百家無不抉微洞奧尤長於詩歌人以
生公無已目之一日謁長壽方丈隱顯因觀題畫詩詞語相契遂付

拂焉尋主飛來法席峽有橋二十四座歲久傾圯行者須取道橋底衝沒甚多師憫之極誠募化閱四載而告成十二座人皆便之疑爲天助而師心力已瘁矣甘方伯爲文序之郎中鍾元輔贈詩云十年重過山前寺六月剛成峽上橋蓋紀其實也師生康熙戊寅圓寂於乾隆丙辰塔於峽山進士鍾元輔爲之銘

鍾元輔撰塔銘

法等字超元號靜遠南海人俗陳氏誕時異香滿室晬不茹葷髻齡隨父游長壽一睹金容自知膜拜時石祖見之謂其父曰此非籠中物也若能學佛將必利人其父忻然授以要典呶唔不輟年十一試經落髮尋隨石祖至江左僅一月石祖示寂師遂運龕還飛來過海幢受雲菴和尚具足戒忽憶石祖隨機自有入處之囑遂往安南參師叔電機和尚於天姥丈室蓋電機亦石祖徒也一見投機如同針芥親炙十載究徹玄微

陳炎宗塔銘序

一日辭歸電師曰吾有老祖衣鉢在

清遠縣志

卷八

釋

四八

此今傳與汝爾歸珍重護持師禮謝回粵時隱顯主長壽席一見卽延爲首座并理飛來由是重修堂殿兩山大有可觀

清遠界塔誌撰

隱顯退

院衆紳請繼主長壽席時雍正甲寅也入滅於乾隆庚申塔於峽山陳太史炎宗銘之曰性淡寧靜容止安詳潛行密用并謂少絕葷葷十一出家二十遠游世壽五十五僧腊三十六與蘇穎濱所記之隆

慶閑師若合符節爲不可思議云

陳炎宗撰塔銘序

法章字慧朗石祖徒孫也戒行高潔通內外典尤工詩

僧譜

峽山除夕

詩云身世若萍梗情懷如絮綿常時尚不可此夕倍淒然雨色羣峯失風聲萬樹連何當交子午又度一新年是時同寺僧覺慧亦有詩云老去無成事勞生又一年衰容明鏡裏孤影暮燈前風滿一牀雨花寒幾樹烟今宵峽山上誰復更相憐當時衲子皆知翰墨可想飛

來之盛

峽志

法信字千章峽山僧也刻苦清修潛研典籍詩亦清新僧譜 峽山除夕

有感云爆竹聲頻响三更乞漏遲笙歌人鬧夜風雨我醒時寒馨團

燈影幽鐘散水湄峽中僧鐘誤 寂寥無所有檢點即年詩又晤劉海翁志

喜云山自崔嵬水自深美人昨夜寄冰琴清徽曾向雲中聽妙緒還

從畫裏尋月照禪枯憐入定花知春到助長吟相依那得同蓮社問

字任教酒滿斟甲午上元侍孫明府游山詩云仙令飛鳧向洞天樓

台佳氣隔霄懸銀鈎篆去輝奎壁白雪歌來倒峽泉喚鶴先尋扶我

杖教僧先過繞溪烟最高峯頂啣杯後笑鼓瑤琴待月圓部郎朝爾

代奉使南來愛其詩而和之有靜會禪機忘物我閒敲詩句拂雲烟

其風雅可見一斑矣峽志

界乘號懷遠石祖門下興隆大師之徒孫也戒行高潔博通內外典

以詩顯飛來寺僧譜 有江行詩云片帆高掛大江風過眼雲山笑轉篷行

清遠縣志 卷八 釋 四九

盡斷橋楊柳岸夕陽猶在板橋東隨園詩話 袁大守枚南來游寺日懷遠

抱詩集尺許曳杖來索序小倉山房續文集 並與論廣東昔時詩會之佳話

隨園詩話 故其題峽山詩云雲外忽聞曳杖響老僧抱詩來見訪半是吟

聲半水聲一時佳處難分賞倉山詩集 推挹如此風致可知無怪稱為近

日詩僧比之梅谷佛裔亦葦寄塵也隨園詩話

界羣字智昭杭世駿有智昭上人自清遠受法歸於佛生日飯僧長

壽菴却寄詩云翻經細字學溪紋千里尋源用意勤法席夜邀猿女

聽齋糧春并鶴雛分操瓶漱水亭飛瀑撥杖穿空峽滃雲歸到恰逢

生佛日曼陀花雨散紛紛嶺南集 後主席光孝又為飛來方丈有戒行

飛來寺僧譜

界燧字秀閒飛來寺方丈也嫺習內外典邑中紳民愛敬之僧譜 郭進

士志融贈以詩云峽靈與我別俄頃春風忽吹綠滿頂中有閒雲怕

出山丹嶂酣眠呼不醒撥雲拄杖到深翠老僧破扉掩孤影半龕佛
火兩眉皓一箇蒲團四山靜梵餘時或事吟諷默撫碧松多妙領赤
日不到寒崖幽松花濛濛落龍井我非白葉得禪悅閒身偶向天地
請遠公蓮社响蠟屐塵根幸不康樂屏飛泉亭邊撐野蒲達摩石畔
支瓦鼎眼前螺蠟與螟蛉世事何如一杯茗巖岫催人昏暝色此別
應須屢延頸宛宛一聲清磬深歸路斜陽挂西嶺藕缸詩草
界參字定真飛來寺主持也人亦文雅僧譜侯官汪斌宦游經峽山有
晤定真和尚詩云十過峽山寺今朝許再遊離情濃似酒勝跡冷於
秋老衲添華鬢飛泉撼敞裘憑欄一登眺極目望神州松下逢尊宿
清談證六如泉飛山閣靜雲散露壇虛法雨生公石懸崖右相書虎
溪堅後約擬向結精廬何刻

一涵禪師字澄波懷遠高足承其師訓博學工詩飛來寺僧譜有峽山雜

清遠縣志

卷八

釋

五

詠八首並登選本邑侯何數峰閱其稿有卷中冰雪贊公詩之句以

贈之光緒志又有折木樨云莫怪靈山留一笑如來原是賣花人袁太

史枚愛之載之詩話小倉山集並謂近日詩僧甚少余游天台得梅谷到

淨慈得佛裔游九華得亦葦游廣東得懷遠澄波寄塵云隨園詩話又善

奕棋嘗與劉霞裳在飛泉亭對枰袁枚咏之曰棋局臨飛瀑棋聲與

瀑分下山千尺雪背水兩家軍風裏葉如鬪窻前鳥不聞渾疑仙子

戲橋叟與桐君小倉山詩集侯官汪斌歛縣何易重濟陽郎珍贈詩極稱

之何刻為名流推重如此光緒志

一航字慈度又號智度飛來寺僧譜性曠逸工山水尤長於臨摹道光初

黎二樵畫最有名人爭購之骨董估時乞智度所仿者闌入多不能

辨於是求畫者日衆嶺南畫徵畧騷人畸士多與往還癖喜蒔植以畫理

參之於水仙花尤出新意創為蟹爪竦螯擁劍厥狀維肖番禺縣志又嘗

以新意作藤菜屋周以菊籬秋來壺觴無間熊學博景星有詩極稱之儀孝廉克中爲齊天樂詞以紀之曰滿園秋色佳如許山僧妙抽閒緒屋勝團茆籬都繞菊恰好一筵張處伊蒲每具就鹽豉爲羹嫩蓴輸與數典無多偶然記得老坡句年來頗耽野趣得閒無不到沽酒而去蓮社新歡竹牕舊夢莫問誰賓誰主黃花際遇直賞到霜枝未嫌遲暮再等梅開暗香供笑語劍光樓詞鈔

弘明峽寺僧齋潔守戒好讀書通經典僧譜辛丑入山削髮重建飛來寺落成詩云爲愛名山萬里游名山慘淡幾春秋梵王宮殿歸何處帝子樓台變古邱摩頂聊酌夙世愿盟心欲解二禺愁一莖丈上從茲現法界忻看最上頭又次陳邑宰韻云瓢笠三年挂洞岫徐窮雪徑唱陽春門前海色堪留客林下鶯聲更可人峻嶺春連千里秀虛簷高接五雲新臨流洗硯波紋動賦就應無一字塵峽志

清遠縣志

卷八

釋

五一

仁中久住峽山通詩律僧譜其峽山詩云扁舟深夜載漁郎月到波心滿峽光幽境不知誰共得許多清影在滄浪又蒼雪崖詩云古木蒼蒼雨後新米家雖畫未全真山雲不約常來護江月無心自照人峽志叨菴上人飛來寺僧也與澄波同時僧譜仁和關涵有懷設菴上人詩云高情最重凌冬柏老興寧輸衝凍梅記得聚頭疎影在禪窻清韻好低徊鄞縣邱學敏贈詩云秀出沙門長淵淳識設菴魯魚徵梵冊出禺山志并新鐫峽山古寺留題詩介余校正譌字縹碧滿松龕瓶鉢真堪託楞迦許共參清芬香積饌鎮日恣元譚澄波定真山水神仙窟飛帆幾度過磔船風力健留客墨痕多余自庚子後七度峽船每以風利不得泊今日石尤風動不能度峽因得重覽山中諸勝叨菴索予書字滿案余以天下何曾有山水人間豈不是神仙十四字書其直指堂柱塵劫消青嶂閒心養白波茗爐有清福吾意媿祇陀其品格可見何刻

南野游方僧寓飛來甚久精詩文僧譜其飛來詩云嶺南多勝地此地

最幽深殿角空天外風泉落石音猿啼山有月花笑客無心不盡登
臨興憑高幾度吟又歸猿洞詩云浮生誰自覺爾獨悟前身斂跡歸
幽處遺環別主人薜蘿封臥石雲鶴復爲鄰拭目洞天外巖花依舊

春峽志

德身字懷慙福建僧卓錫峽山善詩有古寺獨眺飛來書懷孫大尹

春正禮佛諸詩皆清新雅正僧譜 峽志

一至號葆光石祖五傳孫也精內典僧譜昔天界盛祖師纂傳燈正宗

百卷以訂五燈會元之誤至石祖續成之然卷帙浩繁費重難刻致

不能廣爲流傳一至節爲二卷以錄一脈之源流及訂諸家之誤說

融會原文不失祖傳心印亦有功於釋教不少也傳燈正 宗序

一義字貫菴主席飛來戒學清高僧譜合浦李苻清贈詩云帶玉堂前

頻酌酒清音樓上聽譚禪應知陶令耽黃菊不薄遠公結白蓮古洞

清遠縣志

卷八

釋

五一

猿歸心自定深潭犀去影俱空不須更說維摩法妙諦還尋福地中
爲訪名流舊日題開軒坐對夕陽低濡毫和罷磨崖句一笑山門過

虎溪何刻

鼎中號本淨咸豐時飛來寺爲匪焚燬且有睨之者擬改爲道院申

訴柏雨田中丞許小琴太守乃獲保全且力募重修始復舊觀峽志 序

任長壽寺主席卒年八十餘僧譜

新因字成果性穎悟湛深典籍尤邃詩飛來寺 僧譜畫梅有逸趣任長壽

寺主持嶺南畫 徵略

官紳皆與酌唱有重修飛來告成詩和錢殿撰湘舲

和謝太史里甫飛泉亭諸作雄渾可愛無蔬笋氣味僧譜當紅匪之亂

峽山志已散失新因請許太守捐廉重梓勞制軍辛階爲之序而峽

志乃得流傳新因力也峽志 跋

新貴字素行華嚴寺僧也俗姓禰其師以聰居垵仔顯應寺有法術

時飛水有積沙礙航路債以聰作法三夜遍藏鐵犁頭翌日忽大雷雨沙洲衝散流去由是舟行無阻羣稱法師素行早出家嘗充飛來知客理事各職盡思竭智晚棲華嚴慈和清淨邑中諸文士以其戒行德腊俱高羣趨與交寺中日有絃歌之聲與梵貝相雜云峽嶼淡華長老高要人二十歲出家於四會戒行極高平生不睡牀日夜常打坐極其苦修供職飛來寺十餘年嘗刺血書法華金剛楞嚴華嚴心經各種撫台某敬送供養銀十兩堅不肯受韶州道台華祝三愿供養之亦不允官紳延爲丹霞寺監院人見其苦行多敬仰之皆捐資供給故能重興丹霞寺世壽六十餘於民國初年在丹霞合掌坐逝茶毘時獲得舍利子五粒此真佛門種子也懷和

人物道

晉

清遠縣志

卷八

道

五三

葛洪字稚川丹陽句容人少好學性木訥不樂榮利尤好神仙導養從祖玄得仙術以授鄭隱洪就隱學得其法又師事南海太守鮑元因妻以女洪才富贍兼綜醫術太安中石冰作亂吳興守顧秘檄爲都尉攻冰破之不論功賞見天下亂避地南土嵇含爲廣州刺史表爲參軍含遇害遂停廣州晉書往還峽山棲石樓峰上峽志咸和初召拜主簿選散騎常侍領大著作俱不就聞交趾出丹砂求爲勾漏令阮通至廣復居峽山金芝巖久之刺史鄧岳留不聽去乃入羅浮煉丹以優食卒年八十一世以爲尸解得仙峽志著書曰抱朴子其言黃白事者曰內篇駁難通釋者曰外篇共一百一十六篇抱朴子序唐永淳中有於峽山葛壇石下發得丹鼎并遺書語多合內外篇云峽志

謹按洪著述甚富抱朴子內外篇八卷世尚流傳至宋鄭氏通志畧所著錄之抱朴子闕別旨一卷此云永淳中在峽山發得

語合內外篇者豈卽抱朴子別旨耶惜不得見矣

梁

清遠道士清遠人也見顏真卿集六朝時顧越沈炯張種孔奐等棲隱虎

邱山每為文會流連觴詠南史儒林傳云顧越棲虎邱山日與吳興沈炯同郡張種會稽孔奐等每為文會

而清遠道士亦因沈恭子炯同游虎邱遂厲於此日惟養鶴賦詩吟

咏自適茹昂虎邱志云清遠道士因沈恭子游虎邱陸友仁硯北雜志云虎邱有清遠道士養鶴澗其詩曰我本

長殷周遭罹歷秦漢四瀆與五嶽名山盡幽竄及光緒志及作反全唐詩集作及與石

同刻此寰區中始有近峰玩近峰何鬱鬱平湖渺瀾漫吟挽全唐詩川

之陰步上山之岸山川共澄澈胡應麟少室山房筆叢山川作山光光采交凌亂光緒志采

山作彩筆叢作影相凌亂白雲菞欲歸青松忽消半客去川島靜人來山鳥散谷

深光緒志中見日阮通志引崖幽曉非旦光緒志聞子盛遊遨阮通志

志遊遨光緒志風流足詞翰嘉茲好松石一言常累歎光緒志勿謂余鬼

清遠縣志

卷八

道 五四

神欣君共幽贊光緒志欣作忻顏魯公愛之不暇為刻於崖際虎邱志云

刻顏魯公酷愛其詩為作並有繼作曰名高清遠峽文聚斗牛津見顏真卿集

李衛公欽清遠之高致又次而和之曰以上皮逸人綴清藻前哲留

篇翰共扣哀玉音皆舒錦繡段李德裕詩集餘如陸龜蒙皮日休皆追和

之曰嗟予慕斯人一唱復三歎皮襲美又云清遠道士此詩格之以

清健飾之以俊麗一字一句若奮若搏彼建安詞人若在不得居其

右云其推許可謂至矣皮日休陸龜蒙詩集

宋

安昌期廣西昭州恭城人也少舉進士皇祐中平廣西儂寇之難推

恩二廣進士曾與禮部試者皆特試於廷昌期由是得官初為橫州

永淳縣尉以事去遂不復仕獨與一童來廣東日放肆山水間其後

於治平二年攜童至中宿峽山廣慶寺謂寺僧曰聞峽山有和光洞

故來一遊遂策杖往更數日不返寺僧恐有他故率衆入山求之莫知所在忽於石壁間見詩云蕙帳將辭去猿獠不忍啼琴書自爲樂朋友孰相攜丹竈非無藥青雲別有梯峽山余暫隱人莫擬夷齊後題云前橫州永淳縣尉安昌期筆人傳其以詩爲仙

阮通志引張昂撰傳

謹按阮通志節錄張昂碑爲傳今以原碑攷之阮通志末句其詩二字皆是衍文宋洪邁夷堅志所載與此碑文全同但永淳作永定爲稍異耳

人物 僑寓

宋

胡賓王字時賢曲江人少力學以博洽知名南漢時進士甲科嘗讀書中宿峽山經史多所發揮累官中書舍人劉鋹淫虐辭官歸乃著南漢國史入宋登進士第官翰林學士致仕

韶州府志五五

清遠縣志

卷八

僑寓

明

黃哲番禺人刻苦讀書通五經愛山水結廬蒲澗往來羅浮南華間厲峽山讀書甚久會太祖建吳國拜翰林待制知東阿判東平州有德政著有雪篷集

阮通志引黃通志

鄭國相字鳳陽順德人性至孝博極羣書屢試不售授徒清遠四十餘年邑士最著者鍾萬祿鍾自德父子科甲皆所造就痛懲陋習風

俗丕變

阮通志引金通志

張嗣垣東莞人性嗜書好游山水動淹旬日常徜徉羅浮飛來間

東莞

縣志

陳子壯字集生南海人庚申科探花官兵部尚書東閣大學士贈忠烈侯諡文忠

史府志

湛江丁興寺僧行惡時子壯厲居湯塘爲告當道

毀廢之其產撥歸飛來

光緒志古跡

清

郭宏纘字梓參漳浦人順治時以明經知乳源縣時前令為叛兵所殺宏纘單騎赴任盡除苛政山寇竊發出其不意大破之韶州府志猺賊黃萬勝來犯率眾禦之多設疑兵賊驚走追至腊嶺斬死迨盡郝通志

既而謝事買田宅於清遠居焉博物洽聞手不釋卷著述甚富其論志乘相沿之誤有曰唐盧肇嘗謫春州而集中誤作青州蓋春而誤為青也題清遠峽觀音院詩作青州遠峽則又因州名而妄竄定也病馬詩云塵土臥多毛已暗風霜受盡眼猶明足為當時佳句乃後訛以己為色猶為光壞盡一篇語意未必非妄校者之過也可勝歎哉其生平嗜古處即此足見一班張府志

謹按嘗謫春州以下六十六字乃宋陸游跋唐盧肇集語載在渭南文集卷二十八乃張府志列傳於宏纘政績不着一字反

清遠縣志

卷八

僑寓

五六

以陸游之跋文作宏纘之著述光緒志遽照錄之俱誤茲故詳錄其行誼並訂正之

莫瑞堂字書農

松菴文集

定安人拔貢生道光二年任英德縣教諭

英德縣志

其祖先歷代清貴故人稱為莫公子性豪宕好讀書工詩畫游跡所屆必買妾置別業嘗於羅浮建靜修樓解組日慕清遠山水之勝遂築室於城內新街顏曰萬卷書樓藏法書秘本甚富階前一巨腊石銘曰以五百鈞石鎮五萬卷樓樓五百年久石五百年留著有萬卷樓總錄文廟史典等書甚精核真博雅士也卒之日其公子少農絜眷回籍以所藏秘本之半贈邑中向孝廉葵生其卷末鈐有篆印云積四萬軸留子孫讀勤繙勤曝勿借勿鬻至今珠坭鮮豔如新嗜古博學如此其亦明季山人屠隆陳繼儒之徒歟

松菴文集

葉宏智字松雲天都人候補同知廬本邑起鳳里

慕韶訪冊

世業鹽綱富

資財好施樂善馬山冊計城隍廟北帝廟及濱江逕口附城石路多其

捐資修建光緒志當雍正九年廣州設育嬰堂清遠商人葉松雲呈明

鄂總督愿每包加鹽一觔約羨一千五百餘兩以為經費羊城古鈔其樂

善如此今賴家即其府第云慕韶冊

清遠縣志

卷八

僑寓

五七

